

Cuerpo Policial a honra dos funcionario como Empleadonan di Januari 2026

ORANJESTAD (AAN): Siman a habri cu Alto-comisario y Mando Policial a dicidi na reconoce e empleadonan cu a keda eligi como "Empleado di Januari 2026".

Asina a anuncia, cu oficial Brown kende ta Hefe di Distrito Oranjestad ta

bira e prome Empleado di luna pa Januari 2026. El a ricibi palabranan di felicitacion di Altocomisario Ramon Arnhem na nomber di e famia blauw di Cuerpo Policial Aruba.

Tambe a anuncia, cu oficial señora Nadal kende ta Hefe di Distrito San Nicolas ta bira e prome Empleado di luna pa Januari 2026. E tambe a ricibi bunita plaquette y palabra di aprecio di Altocomisario, kende a dune pabien na nomber di e famia blauw di Cuerpo Policial Aruba.

Caso grandi den Corte na Aruba**Fiscal ta existi 12 luna di prison condicional pa ambos Polis cu a mata Ayden Lanoy**

• *E mes a bisa di ta conciente cu comunidad no ta di acuerdo cu e castigo*

Ministro Geoffrey Wever contento:

Total di 26 profesional di Departamento di Impuesto a gradua di Basisopleiding Belasting

• *Inversion den conocimiento ta fortalece finansa publico y servicio na ciudadano*



ORANJESTAD (AAN): Recientemente Minister di Finansa, Asunto Economico y Sector Primario, mr. Geoffrey Wever, tabata presente na ceremonia oficial di graduacion di e Basisopleiding Belasting, un trayecto formativo intensivo dirigi na profesionalnan di Departamento di Impuesto.

No menos cu 26 empleado a finalisa cu exito e programa cu a cuminsa na october 2024 y a conclui na December 2025.

Meverly Romano,

Relacionista Publico di DIMP:

Pa fin di aña aki Aruba lo yega na 100 mil vehiculo riba caminda



Na studiantenan di Universidad di Aruba

Minister Geoffrey Wever a duna gastcollege Staatsrecht na un grupo



ORANJESTAD (AAN): Minister Wever a comparti cu e studiantenan tanto e base teoretico como e experiencia practico di Staatsrecht, cu ta regla e organizacion di estado, e relacion entre Parlamento y Gobierno, y e posicion di e ciudadano den nos sistema democratico. E combinacion

entre teoria y practica a brinda e studiantenan un perspectiva unico riba con derecho di estado ta funciona den realidad.

Prome cu su entrada den politica, Minister Wever a traha como Wetenschappelijk Medewerker di Staats- y Bestuursrecht na Universidad di Aruba, unda el a contribui activamente na enseñansa y investigacion academico. Awe, como minister di Gobierno, e por añaña e teoria un dimension practico basa riba experiencia propio den ehecuion di responsabilidad ministerial.

Minister Wever a expresa: “Pa mi ta un honor pa comparti conocemento cu e generacion nobo di hurista. Staatsrecht no ta solamente teoria; e ta biba y ta move den e dinamica entre Parlamento



y Gobierno. Educacion y formacion di nos hubentud ta fundamental pa fortifica nos estado di derecho.”

Minister Wever ta desea tur studiantenan hopi

exito den nan estudio y nan futuro carera profesional, y ta sigui comprometi pa contribui activamente na formacion di lidernan y profesionalnan di mañan.

Mas profesional certifica cu e portal di Payroll Pro HRM



ORANJESTAD (AAN): Recientemente na e compania VCC International a finaliza cu un Portal Training di Payroll Pro HRM.

Ensan cu a finaliza e curso cu exito y a ricibi certificado na final ta Oxana Feliciano di Aruba Ocean Villas, tambe Darenska Mathilda di Aruba Wine and Dine.

Certificado a bay tambe pa Alison Perez di Save More Aruba. Tambe a duna certificado na tanto Arriana Lo-A-Njoe y Shermaine Ridderstap di Club Avolta.

Ta un satisfaccion pa mira con profesionalnan local ta sigui bira experto riba e popular software extenso di Payroll Pro HRM na Aruba.

Meverly Romano, Relacionista Publico di DIMP:

Pa fin di aña aki Aruba lo yega na 100 mil vehiculo riba caminda

ORANJESTAD (AAN) Señora Meverly Romano, Relacionista Publico di Departamento di Impuesto (DIMP), den entrevista cu DIARIO, a indica cu tur cos ta mustra cu prome cu fin di 2026 Aruba lo yega na 100 mil auto.

Esaki ta increibel pa pensa! Por corda cu na 1984, apenas tabatin 18.000 auto cu A-nummer riba Aruba.

Cuarenta aña despues, e isla ta birando sobrecarga cu un total cu lo bay yega 100.000 auto.

“Di mi experiencia, mirando con cosnan ta bayendo, ta muy probable cu prome cu aña caba, nos ta yega 100 mil vehiculo, registra na Aruba”, el a duna di conoce.

Señora Romano a expresa cu esaki ta un cantidad basta grandi pa un isla asina chikito, pasobra Aruba no ta crece, e ta keda mes grandi, pero nos por wak e cantidad di autonan riba caminda si ta aumenta.



Presidente di Parlamento Marlon Sneek:

Despues di IPKO a sigui awo cu Tripartite entre Aruba, Curacao y Sint Maarten



ORANJESTAD (AAN) President di Parlamento, señor Marlon Sneek, a splica den entrevista cu DIARIO, cu e idea pa tene reunionnan di IPKO den e parti Caribense di Reino, y mescos den e parti Hulandes di Reino, cu ta e aspecto europeo, ta pa haya un bista, y specialmente pa e parlamentarionan nobo haya un bista di kico ta ser papia.

“Pasobra hopi biaha e Hulandesnan cu nunca a bin aki banda, ‘ta pensa riba un par di Indian ta core tras di otro’, pero pa nan mira cu tin desaroyo total akinan, y cu e responsabilidad di cualkier gobierno ta pa garantiza e miho, pa cada ciudadano cu nan ta representa”, Marlon Sneek a acentua.

Seguidamente na IPKO a sigui cu tripartite, Sneek a splica. “Tripartite ta e

nos tur sa su prijs! “Esey ta temanan cu nos ta bay discuti pa wak si di parti di gobierno, den e caso aki, kico lo por wordo

haci pa tin un miho prijs pa nos ciudadanonan”, Presidente di Parlamento Marlon Sneek a reitera. Finalmente el a indica

cu cada parlamentario lo hiba e asunto aki cerca nan respectivo gobierno, pa nan yuda resolve e problema aki.

Autoridad ta sigui keda confisca droga

Den razzia na dos adres a detene tres hende incluyendo un muhe

ORANJESTAD (AAN): Siman a habri cu e informacion suministra door di Polis, cu nan Unit Narcotica a traha riba un caso, y a tene un razzia na dos adres. Danki na esaki nan a detene tres persona naci na Aruba, y a confisca droga tipo ‘hasj’ tambe.

Polis a indica cu recientemente a wordo intercepta diferente barco cu carga di droga (‘hasj’) aden. En total 4 kilo di hasj a wordo confisca door di autoridadnan.

Relaciona cu e cargo di droga aki, Unit Narcotica a haci nan investigacion, y cu bendicion di Fiscal nan a actua rapido y tene dos razzia na casnan.

Cu yudansa di Team di Aresto, e oficialnan hudicial a tene dos razzia. Den e entrada hudicial, nan a actua na un cas na Bubali y tambe na un cas na Sero Patrishi.

A detene un hende homber naci na Aruba di inicial F.A.G. di 35 aña, un hende homber naci na Aruba di inicial M.J.D.G. di 26 aña y un hende muhe

na Aruba di inicial S.M.J. di 23 aña.

Durante e entrada hudicial a haci uso di diferente departamento di Cuerpo Policial Aruba entre otro Team di Aresto, Unit K-9 y polis uniforme.

Polis a bisa cu no ta

descarta cu lo por tin mas detencion den e caso encuestion. Cuerpo Policial ta keda haci un suplica nba esnan cu sa algo of a wak algo pa yama tipline di Polis na 111-41. Corda cu nan ta garantiza cu bo ta keda anonimo.





Awo cu 2 florin mas, bo por gana e **MEGA PLUS**
*** Afl. 360.000,-**
*** Afl. 260.000,- + Afl. 100.000,-**
 extra
 Benta ta sera 7:30 pm y sorteo ta hunga 7:45 pm



HUNGA AWO



Minister Arthur Dowers a ricibi presentacion riba exploracion di petroleo



ORANJESTAD (AAN): Recientemente, Minister di Husticia, Integracion, Transporte Publico y Energia, mr. drs. Arthur Dowers, a ricibi un presentacion amplio for di ehecutivonan di Compania Arubano di Petroleo (CAP) relaciona cu e status di trabaoonan di exploracion di petroleo y gas natural. E reunion a enfoca riba desaroyo energetico sostenibel y responsabel.

Durante e presentacion, CAP a duna un update di e trabaoonan cu ta den proceso door di Armstrong Oil & Gas den cuadro di exploracion di petroleo of gas natural den awanan teritorial rond Aruba. E proceso di exploracion ta avansa conforme planifica-

cion tecnico, respetando tur norma internacional y rekisito legal cu ta aplica pa e tipo di actividad aki. E siguiente fase ta determina cua sitio ta mas prometido pa inicia cu boramento, un proceso cu tambe lo rekeri su tempo y cautela. E fase den cual Armstrong Oil & Gas ta aden, ta uno hopi costoso pero necesario pa por yega eventualmente na boramento.

Esaki no ta un proceso rapido, sino un trayecto tecnico cu lo dura varios luna prome cu tin claridad total. E fase actual ta enfoca riba investigacion cientifico, coleccion di data y evaluacion geologico, cu lo sirbi como base pa cualkier decision den fu-

turo. Transparencia, responsabilidad y interes nacional ta keda central den tur paso cu ta considera.

Minister Dowers a enfatisa cu gobierno lo sigui monitorea e proceso cu hopi atencion, teniendo como prioridad proteccion di medio ambiente, siguridad di comunidad y beneficio economico pa pueblo di Aruba. Cualquier desaroyo potencial den sector energetico mester tuma luga den un marco di sostenibilidad, cu respet pa nos generacion actual y futuro. Minister Arthur Dowers ontving presentatie over olie-exploratie

Recentelijk heeft de minister van Justitie, Integratie, Openbaar Vervoer en Energie, mr. drs. Arthur Dowers, een uitgebreide presentatie ontvangen van de directieleden van de Arubaanse Petroleum Maatschappij (CAP) met betrekking tot de stand van zaken van de olie- en aardgasexploratie. De bijeenkomst was gericht op een duurzame en verantwoorde energieontwikkeling.

Tijdens de presentatie gaf CAP een update over de werkzaamheden die momenteel worden uitgevoerd door Armstrong Oil & Gas in het kader van de exploratie naar olie of aardgas in de territoriale wateren rond Aruba. Het exploratieproces verloopt volgens de technische planning en met inachtneming van alle internationale normen en wettelijke vereisten die voor dit type activiteit gelden. De volgende fase is het bepalen welke locatie het meest veelbelovend is om met boringen te beginnen, een proces dat eveneens tijd en zorgvuldigheid vereist. De fase waarin Armstrong Oil & Gas zich momenteel bevindt, is zeer kostbaar maar noodzakelijk om uiteindelijk tot boringen te kunnen overgaan. Dit is geen snel proces,



maar een technisch traject dat meerdere maanden zal duren voordat er volledige duidelijkheid is. De huidige fase is gericht op wetenschappelijk onderzoek, data-verzameling en geologische evaluatie, die als basis zullen dienen voor toekomstige beslissingen. Transparantie, verantwoordelijkheid en het nationaal belang staan centraal bij elke stap die wordt overwogen. Minister Dow-

ers benadrukte dat de regering het proces nauwlettend zal blijven volgen, met als prioriteit de bescherming van het milieu, de veiligheid van de gemeenschap en het economisch voordeel voor het Arubaanse volk. Elke mogelijke ontwikkeling in de energiesector moet plaatsvinden binnen een kader van duurzaamheid, met respect voor zowel de huidige als toekomstige generaties.

Diasabra awo lo parti paña na Noord



ORANJESTAD (AAN): Tur cos ta cla pa Asistencia Social Noord reparti paña un biaha mas.

Esaki lo bay socede Diasabra 28 Februari for di 7:30'or di mainta, te cu 9:30'or di mainta. Esaki lo bay ta bao dak di Asistencia Social Noord. Esaki lo ta e pida veranda cu tin den cura di Misa Santa Ana. E ta net panort di e misa.

Un biaha mas ta pidi tur persona cu ta desea pa bay busca paña pa por fabor bin cu saco pa hinca nan aden.



TRABOU DI MANTENCION RIBA LIÑA DI DISTRIBUCION CALBAS
 Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 26 di februari 2026
8:30 AM te cu 3:30 PM

Den vecindario di:

- Calbas (un parti)
- Gabilan (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Caso grandi den Corte na Aruba

Fiscal ta existi 12 luna di prison condicional pa ambos Polis cu a mata Ayden Lanoy

• E mes a bisa di ta conciente cu comunidad no ta di acuerdo cu e castigo



ORANJESTAD (AAN): Dialuna mainta e famia di e victima Ayden G.J. Lanoy a haya un baño di awa friu ora Fiscal a existi apenas 12 luna di prison condicional pa e agentenan M.V. y R.G.D., pa a mata Ayden riba 9 Februari 2025. E famia a cuminsa murmura den sala y ora Hues a dicidi di tene un pausa, por a mira na nan cara y hasta expresion, cu nan ta hopi rabia. Un rato despues cu e exigencia a bira conoci den comunidad, por a nota cu comunidad a reacciona hopi rabia riba Ministerio Publico.

Ningun hende ta ariba di ley: Den Sala di Corte mescos cu Diabierna, varios miembro di famia tabata presente y bisti cu flanel preto cu potret di Ayden dilanti y patras ta skirbi: 'Justice for my son Ayden C.J. Lanoy'. Den e sala ariba tabatin cantidad di agentenan di Polis cu a bay scucha e exigencia di Fiscal y e defensa di e abogadoan.

Por a nota cu den sala di Corte abao a aumenta e cantidad di miembronan di CEA. Tabatin 5 miembro di CEA pa garantiza orden y actua si por presenta situacion caminda mester actua.

Den e articulo aki, ta



concentra riba e requisito di Fiscal y den un otro articulo ta publica e defensa di abogado di e dos agentenan di Polis.

Fiscal a bisa cu tin un procesverbaal cortico cu 4 potret cu ta forma parti di e requisito. Fiscal a cuminsa na bisa: "Ningun hende ta riba ley. En especial esnan cu ta traha cu ley". E ta referi aki na e dos agentenan di Polis. Fiscal a bisa cu mester tin investigacion imparcial y cla riba un caso unda Polis a tira un persona mata. El a bisa cu ta esencial den un comunidad pa tin claridad. Fiscal a bisa cu e investigacion a wordo haci door di LandsRecherche cu ta cay bou Ministerio Publico y no tin nada di haci cu Polis.

Exigencianan halto pa uza arma: E morto di Ayden di 19 aña ta tristo. E sospechosonan, ta e dos agentenan di Polis. Awor mester evalua henter e caso. E pregunta ta si e dos agentenan Polis ta culpabel di e morto di Ayden. Fiscal a bisa cu tin exigencianan halto pa cu uzo di arma. E uzo di arma di Polis ta e situacion extremo. E dos Polisnan ta wordo acusa di complice di a mata. Fiscal ta haya nan culpabel di a mata. El a muestra cu tin reglamento con Polis mester actua. E pregunta ta si nan a actua corecto, si nan a actua den defensa propio. Si esey ta e caso, e

ora ey nan mester wordo declara liber. Si nan no a actua corecto, e ora ey nan ta culpabel y castigabel.

E tiramento di Polis riba un hende, ta tacha e persona su integridad. Segun ley, Polis ta permiti di usa violencia ora cu no tin otro forma pa logra seguridad. Loke Polis mester tene cuenta ora di usa violencia, si tin otro forma pa acuta sin usa arma. Fiscal a bisa cu den 10 seconde a tira 20 baha riba e auto Toyota cu Ayden Lanoy tabata maneha. Fiscal ta haya cu e ta un tempo hopi cortico pa evalua si a actua corecto. Fiscal a menciona cu tin articulonan di ley cu ta muestra con y ki ora ta usa arma di candela. Den situacionnan masha limita of extremo, Polis por haci uzo di su arma reglamentario. Solamente ora tin sospechoso cu e persona tin arma of cuchiu of si e persona a yega di wordo condena pa casonan hopi serio.

Agente D. a tira Ayden mata: Fiscal a bisa cu e agentenan a persigui e auto pasobra tin un luz patras cu no ta cende. Despues e situacion na Madiki Kavel caminda a yega un caminda sin salida. E agentenan a tira 20 baha riba e auto y un persona a muri. Ayden a muri door di un tiro cu a drenta y sali for di su curpa. Posiblemente e bala a perfora un ader mayor y

tur dos pulmon. Por a nota cu e mama di Ayden tabata yora ora cu Fiscal tabata papia. Hues a para e tratamiento un rato y puntra si e señora ta sinti bon. Sino e por sali un rato for di sala. E mama a bisa cu e ta ok. Hues a ora ey a sigui cu e caso caminda Fiscal a bisa cu door di hopi sangramento interno, Ayden a fayece.

E mama y tata di Ayden a bay identifica Ayden. Na e lugar di e incidente, Polis a haya 20 huls y un peña bashi. Den e arma di M.V., tabata falta 3 bala y e arma di di R.G.D. tabata falta full un peña. Tur 17 bala a wordo tira y a saca e peña y a hinca un otro peña y 'arma' e pistol cla pa tira. E impactonan di bala mas tanto tabata na banda robez y parti patras di e auto. Fiscal a bisa cu di e 20 balanan, 17 bala a dal den e auto. A haya e bala cu a mata Ayden y Instituto Forense di Hulanda (NFI) a investiga e bala aki y investigacion a

monstra cu ta R.G.D. a tira e bala ey. A conclui cu Tiro #5 di e 17 tironan total, tabata esun mortal.

Polis a tuma riesgo di tira: Fiscal a bisa cu for di e investigacionnan por conclui cu no intencional e agentenan kier a mata Ayden sino cu nan a tira pa para e auto. Fiscal a bisa cu M.V. y R.G.D. a tuma e riesgo cu por a mata y mirando cu nan tabata para hopi cerca di e auto y a impactonan di bala por a causa e morto. Nan tabata sa di e riesgo cu esun den auto lo por muri. Fiscal a sigui bisa cu Polis a wordo entrena cu mester evita tira riba autonan cu ta core pa-sobra e lo no haci cu e auto ta para. E chens ta grandi cu hende por muri. Fiscal ta haya cu e agentenan a tuma e riesgo aki.

Complice di a mata Ayden: Tur dos tabata hunto den e patruya y nan ta entrena pa actua hunto den patruya. Durante e persecucion a actua. Agente M.V. tabata

Sigui lesa pag.8

A SER PERDI



Ayera mainta 2 pug chiquito a sali for di cura y te cu awo nan ta perdi nan number tara barbie y chiquita

Nan ta perdi den vecindario di piedra plat/Jon Tai Hardware

Number di contacto ta 5926929

Entrega di relato anual 2025 di Raad van Advies



ORANJESTAD (AAN): Algun dia pasa, Raad van Advies a entrega pa medio di Presidente (mr. D.G. Kock) y Secretario di Raad (mr. A. Braamkamp) su relato anual 2025 na Gobernador y na Minister-President. Manera ta costumber e relato anual ta duna un bista habri y transparente di e tareanan y trabaoonan di Raad van Advies y su Wetenschappelijk Bureau como tambe un bista total di e consehonan duna den e aña cu a pasa.

Den su palabra di introduccion, e Presidente ta pidi atencion pa e echo cu 2025 tabata un aña historico den hopi

sentido. E ta referi entre otro na e cantidad abou di productonan di ley cu a wordo entrega na 2025. Pero tambe na e echo cu hopi legislacion cu den un of otro momento a wordo cualifica como prioridad, a keda pega den e proceso di legislacion of ta warda añanan largo pa implementacion.

Reflehando riba 40 aña Status Aparte, e desaroyo aki ta preocupante, pasobra e por afecta e credibilidad y efectividad di e proceso legislativo.

Un topico cu a causa hopi debate den 2025 ta e supervision di presupuesto (begrotings-toezicht). Pa e motibo



ey Raad van Advies a elabora riba e tema aki den su relato anual. E ta haci esaki for di perspectiva di Raad, aunke e propuestanan di ley, esta un propuesta di rijkswet y un propuesta di landsverordening, no a wordo manda pa Raad van Advies ainda. Cu e tema di e relato anual a opta pa contribui na un debate mas tranquil door di pone algun puntonan tras di otro pa asina tur partido, naturalmente cu e interes di pais Aruba na mente, por yega na un decision cu ta bon pensa. Un discusion habri y dirigi riba contenido, tambe den cuadro di e

reflección nacional rond di 40 aña Status Aparte. Aña di hubileo (2026) ta un momento apropiado pa evalua si despues di cuatro decada di Status Aparte nos estado di derecho y fundamentonan democratico ta suficientemente ancla den

nos realidad estatal y social. E potret di entrega na Gobernador, ta pa cortesía Kabinet Gouverneur Aruba.

E relato anual 2025 completo encuanto ta disponibel riba e website di Raad van Advies www.rva.aw.

DE BESLISSING

Het gerecht:

stelt Juliana RASMIJN, goboren op 16 februari 1947 in Aruba, onder curatele, benoemt over de onder curatele gestelde tot curator haar broer, Victoriano Victor RASMIJN, geboren op 6 maart 1957 in Aruba en wonende in Aruba.

DE BESLISSING

Het gerecht:

stelt Juanita Paulina RASMIJN, geboren op 20 oktober 1955 in Aruba, onder curatele, benoemt over de onder curatele gestelde tot curator haar broer: Victoriano Victor RASMIJN, geboren op 6 maart 1957 in Aruba en wonende in Aruba.

**Telefonnan
di DIARIO
582-6747
WhatsApp
561-5325**

Ministro Geoffrey Wever contento:

Total di 26 profesional di Departamento di Impuesto a gradua di Basisopleiding Belasting

• *Inversion den conocimiento ta fortalece finansa publico y servicio na ciudadano*



ORANJESTAD (AAN): Recientemente Minister di Finansa, Asunto Economico y Sector Primario, mr. Geoffrey Wever, tabata presente na ceremonia oficial di graduacion di e Basisopleiding Belasting, un trayecto formativo intensivo dirigi na profesionalnan di Departamento di Impuesto.

No menos cu 26 empleado a finalisa cu exito e programa cu a cuminsa na october 2024 y a conclui na December 2025. E graduadonan a sigui e opleiding tres biaha pa siman, despues di nan ora regular di trabao, demostrando un compromiso extraordinario cu profesionalisacion y mehoracion continuo.

Den su discurso, Minister Wever a comparti su pasion pa e tema di derechonan fiscal y a subraya cu colecta di

entradanan no ta solamente un mecanismo tecnico pa recauda fondo, sino un pilar fundamental pa sostene finansa publico solido y sostenibel.

“Sistema fiscal di un pais ta basa riba confianza. Pa logra esaki, nos mester tin profesionalnan cu tin bon conocimiento di ley, integridad, y un actitud humano y “service minded”. E forma con nos ta comunica y atende cu e ciudadano ta mesun importante cu aplicacion corecto di ley,” asina Minister Wever a expresa.

Minister Wever a enfatisa cu e rol di un fiscalista ta existi mas cu solamente dominio tecnico. E ta existi pasion pa e profesion, sensibilidad humano y capacidad pa aplica ley na un manera servicial.

Minister Wever a subraya cu gobierno ta sigui inverti



den mehoracion di proceso, incluyendo digitalisacion y sistema online, cu lo contribui na un maneho mas eficiente y transparente di impuesto. Segun Minister Wever, capacitacion continuo di personal ta esencial pa adapta cu e evolucion tecnologico y cambianan

den regulacion fiscal.

“Sigui educa y investi den boso mes. Innovacion y modernisacion di Departamento di Impuesto ta depende directamente di e nivel di preparacion di nos profesionalnan. Inversion den conocimiento ta inversion den futuro di Aruba,” Minister Wever a conclui.

Minister Wever a expresa su

gradicimento na Señora Luenne Gomez-Pieters y su team pa organiza e Basisopleiding Belasting. Cu e graduacion aki, Gobierno ta reafirma su compromiso cu fortalecimiento institucional, profesionalisacion di servicio publico y consolidacion di un sistema fiscal moderno cu ta beneficia tur ciudadano di Aruba.

Parlamentario Xiomara Maduro ta cuestiona:

Gobierno AVP-Futuro no a publica ainda cifranan financiero di 2025

ORANJESTAD (AAN) Segun Parlamentario Xiomara Maduro, di fraccion di Partido Movimiento Electoral di Pueblo, e gobierno AVP-Futuro, no a publica e cifranan financiero di e ultimo cuartal ainda. Kiermen, e cifranan aki no ta conoci.

“Esaki sigur, ta trece un problema pa Parlamento di Aruba, ya cu sin e cifranan aki, Parlamento no por haci su control riba con gobierno ta ehecuta local ta e presupuesto di aña 2025 y kico ta e bista financiero completo, cu e ultimo cambianan cu a wordo haci. Esey ta local Parlamento no tin, y nos ta mira cu Minister Wever no tin fin di duna oido na loke ta e critica aki, cu nos ta trece dilanti”, Parlamentario Xio-



mara Maduro a señala.

El a remarca cu esaki sigur si tene na cuenta con hopi MEP a wordo critica ora tabata tin atraso, door di awe Minister Gerlien Croes, y awo por wak cu di parti di nan no tin transparencia p’asina Parlamento por haci su trabao.

“Pues nos ta lamenta sigur, cu Minister Gerlien y tambe Minister Geoffrey Wever ta tene Parlamento den scuridad pa local ta e cifranan di 2025”, Xiomara Maduro a acentua.

DANKI MAESTRO

A Mi nomber ta GLENDA mi ta duna e testimonio paso despues di bishitá masha tantu lugá caminda nan a priminti yudami nan no a hasi esei. Porfin ma haña yudansa aki cu E



MAESTRO BENJAMIN Mi tabata sufri di yen malesai e dokternan no tabata por a haña nada, cada dia mi tabata sintimi mas debil, mi cabei a cuminsa cai, ma bira flacu i mi barika tabata hincha. 3 LUNA PASA ma bishita E MAESTRO BENJAMIN i ela Curami di tur malesa, awe mi ta sinti totalmente saná no busca yudansa na otro lugá yama E MAESTRO BENJAMIN YAMA 6414186

CEL/ 641-4186

Meverly Romano, relacionista di DIMP:

Como 50% di plachi numbernan auto 2026 ta paga pero 24% no tin nada di pago haci

ORANJESTAD (AAN): Encuanto e cumplimento di pago riba impuesto di auto, pa aña 2026, señora Romano a declara den entrevista cu DIARIO, cu e deadline pa pago di impuesto riba vehiculo di motor, a caba di pasa pa e prome mitad di aña.

“Cincuenta porciento di nos numbernan ta paga. Esaki ta 49.133 auto y nos ta wak cu 24% no a haci pago mes di aña 2026. Esaki ta un total di 23.704 number cu nada di aña 2026 ta paga. Y nos tin 25% cu a paga e mitad di aña, pues e personanan aki a cumpli. Kiermen, e total di cumplimento ta 75% di e impuesto di aña 2026; e incumplimento ta 24%, y 1% acerca ta e plachinan cu no ta bay wordo paga, pasobra ta personanan cu a entrega na numbernan bek, ya sea pa un tempo defini, of indefini”, señora Romano a trece dilanti.

Poniendo e situacion den su contexto, señora Roma-



no a splica lo siguiente: Di e cantidad di autonan cu DIMP tin registra, 24% no a paga nada di e impuesto di aña 2026, y esaki ta representa un cantidad di 23.704 vehiculo.

“23.704 vehiculo di motor, auto, bromer, truck en total lo ta coriendo aworaki riba nos camindanan publico, unda nan no tin e belasting di aña 2026 paga; y di e 24% aki e categoria mas grandi ta e plachi A, cu ta un cantidad di 19.831 vehiculo”, Romano a mencionaciona.

“E categorianan cu ta resalta, cu no tin pago di impuesto di 2026 ta: A, 19.831 vehiculo. E trucknan di Diesel: 293, cu ta 23% di e trucknan cu ta riba caminda; 35% di e brommernan, cu ta un total di 1.232 cu nan number no ta paga pa 2026; plachinan di number, 32% no ta paga, esakinan ta e numbernan personaliza, y tambe e numbernan cu tin plachi T cu O. T mas tanto, 247 no ta paga, esaki ta 65% di e Tnan, cu nos tin registra cu tampoco tin pago riba nan. Nos tin e trucknan, Plachinan TR cu ta 28%, cu ta representa un cantidad di 23 truck. Trucknan di gasoline. Mi tin cu bisa cu e trucknan di diesel ta e cantidad mas halto. Y e V-Carnan, nos tin 23% cu no tin pago riba nan impuesto 2026, cu ta un cantidad di 1.486. Kiermen di tur e diferente categorianan nos tin 23.704 number cu no tin pago di impuesto 2026, riba nan.

Dangui Oduber ta cuestiona:

Aruba a cumpli cu su parti pues pakico awor tin di entrega nos libertad



ORANJESTAD (AAN): E aña aki, Aruba ta celebra 50 aña di Himno y Bandera y 40 aña di Status Aparte. Pero comunidad mester puntra su mes: Aruba por celebra libertad, si e isla ta preparando pa entreg’e? Esey ta loke Parlamentario Dangui Oduber di MEP ta cuestionando.

Esfuerso di Pueblo: Segun Oduber, e ultimo informe di CAft ta papia palabra cla: Danki na

e sacrificio di pueblo y e maneho responsabel, e debe di Aruba lo baha na 47% pa aña 2028. Hulanda a pone e condicion cu nos debe mester ta bao di 50% pa nos ta un pais financieramente saludabel. Aruba a logra e meta ey caba!

Si nos a demostra cu nos mes por maneha nos cas, di con e Gobierno di AVP/Futuro tin asina hopi pura pa firma e Rijkswet HOFA? Si nos ta cumpliendo cu e normanan, no tin ningun hustificacion pa laga un hende na Hulanda dicidi kico nos ta haci cu nos placa di belasting.

Perde e bos di e ciudadano: Cu e Rijkswet HOFA, Parlamento di

Aruba, e luga unda bo bos ta wordo scucha, ta keda sin poder. Tur decision final riba nos presupuesto lo mester wordo aproba na Den Haag. Esaki no ta un asunto di MEP of AVP; esaki ta un asunto di tur Arubiano cu ta kere den nos capacidad pa goberna nos mes.

Dangui Oduber ta cuestiona e ministernan Gerlien Croes y Geoffrey Wever: “Aruba ta pagando su debenan, Aruba ta cumpliendo cu e normanan, y Aruba su economia ta creciendo. Di con acepta un ley cu ta kita nos autonomia financieramente si ya nos a demostra cu nos por?”

Libertad ta sagrado. e Status Aparte a duna e isla e prosperidad cu e tin awe. Ban celebra nos historia cu dignidad, defendiendo e derecho di Aruba pa sigui dicidi su propio futuro.

Continuacion pagina.5

na stuurwiel di e patruya, y R.G.D. tabata traha cu e luz y microphone. R.G.D. a bisa M.V. pa blokia e auto den Madiki Kavel pa e no core bay. M.V. a tira y R.G.D. a tira. R.G.D. a bisa cu el a tira pa defende su colega M.V. Ambos a baha cu arma den man cla pa tira riba e auto. M.V. a cuminsa tira riba e auto 3 biaha y R.G.D. a sigui cu 17 tiro. Polis ta entrena pa actua hunto sin cu a palabla.

Fiscal ta haya cu nan ta complice di a mata. Na opinion di Fiscal, no ta revelante kende a tira mata. Ta R.G.D. a tira mata Ayden.

No a cumpli cu reglanan di ley: Fiscal a sigui cu a base di un violacion di trafico, M.V. y R.G.D. a bay over na uza arma. E violacionnan di trafico aki NO ta hechonan hopi serio pa hustifica uzo di arma di candela. E pregunta ta cu si e forma con Ayden a core bay por wordo cualifica di pone bida di e agentenan na peliger? Fiscal no ta haya esey. Fiscal a bisa cu Ayden tabata core no duro. E pregunta ta si M.V. por a hala un banda. Ayden no tabatin intencion di bay riba M.V., sino pasa banda di M.V. y scapa. Fiscal ta haya cu no tabatin hechonan severo di peliger pa usa arma. El a conclui cu e agentenan no a actua segun reglamentonan stipula den ley.

No tin defensa propio: E hecho cu no a actua segun reglamentonan stipula den ley, mester wak si nan lo a actua den defensa propio. Fiscal ta haya cu e agentenan por a keda para y warda refuerzo. No tabatin motibo di peliger contra nan bida. Nan a baha for di patruya cu arma den man. Ayden no a bay cu e auto Toyota riba M.V. sino tabata kier a pasa banda di dje pa scapa. Fiscal no ta

haya cu tabatin menaza di peliger di morto pa M.V. y como tal no por bisa cu el a actua den defensa propio. Fiscal tampoco ta haya cu R.G.D. a actua den defensa propio. R.G.D. a bisa cu el a reacciona pa defende su colega M.V. Fiscal ta haya cu M.V. a kere cu su bida tabata na peliger cual no ta asina. Fiscal ta haya cu e agentenan a bay mucho liher den tira riba e auto.

Cuestiona raport di abogadoan: Fiscal a cuestiona e raport di abogadoan tocante e imagennan di tiramento caminda a usa un otro experto. Fiscal ta haya cu no tin splicacion suficiente pa muestra con a haci investigacion. E no ta haya cu por usa e raport.

Pa cu e demanda di daño cu ta 166.507,89 Florin, Fiscal a aproba un parti y ta haya cu mester declara un parti no admisibel.

Exigencia di Fiscal: Fiscal a bisa cu e agentenan nan bida a keda afecta. Door di nan culpa Ayden nunca a cumpli 20 aña. E incidente a afecta henter comunidad. E agentenan a wordo ataca door di media pa loke nan a haci. Fiscal ta haya cu esaki no ta husto. El a bisa cu e ta un proceso hopi dificil pa evalua. Nos no ta den zapato di e agentenan. Nan a tuma un decision no-corecto.

Fiscal a bisa cu e no ta exige un castigo di prison sino condicional. El a bisa cu esaki lo no ta na agrado di comunidad. Comunidad ta spera hopi di Polis. Polis mester wordo entrena con pa usa arma y actua den situacionnan dificil. Fiscal ta haya cu ambos agente lo mester haya e mesun castigo cu trabao pa comunidad. Fiscal a exige 12 luna di prison condicional cu 2 aña di prueba y 180 ora di trabao comunitario.

(Prison condicional nifica cu nan lo no bay encarcela).

Sucursal di Elmar na San Nicolas awor lo habri den di dos cuartal



ORANJESTAD (AAN): Re-cientemente e compania di electricidad NV Elmar, a duna un actualisacion riba e renobacion di nan sucursal na San Nicolas. E compania ta informa cu e renobacion di su sucursal na San Nicolas ta sigui progresando. Pa garantia cu e espacio nobo cumpli cu e nivelnan mas halto di calidad, seguridad y servicio na cliente, e reapertura di e sucursal ta planifica awor pa final di segundo cuartal di

2026.

Mientras tanto, clientenan por sigui uza tur punto di servicio di Elmar, y tur opcion di servicio digital. Bo por haci: (*) Pago di factura na HBK San Nicolas, MFA Savaneta y WEB Balashi. (*) Tur servicio na ELMAR Oranjestad of Hato. (*) Servicio di peticion pa instala meter via Contact Center na 523-7100 of email na customerservice@elmar.aw Tambe tin: (*) Customer Service via Contact Center

na 523-7100 of email na customerservice@elmar.aw (*) Pago online: Online Bill Payments, Online Bank Transfer, app di Pay.Aw y Standing order. NV Elmar ta aprecia e comprension y entusiasmo di e comunidad di San Nicolas mientras nos ta sigui inverti den un experiencia di servicio mas moderno y eficiente. Keda pendiente pa mas informacion na momento di e gran reapertura di nan sucursal renoba na San Nicolas.

Diahuebs otro siman

Kabinet di Aruba na Hulanda ta organiza Politiek Cafe

ORANJESTAD (AAN): Informacion for di Den Haag ta indica cu den cuadro di eleccion pa Gemeenteraad na Hulanda, Kabinet di Minister Plenipotenciario di Aruba ta organiza un asina yama "Politiek Cafe" riba diahuebs 5 di Maart 2026. E eleccion pa gemeenteraad mes ta dia 18 di Maart 2026.

Meta di e "Politiek Cafe" aki ta pa duna e Arubianonan bibando na Hulanda e oportunidad di tende di candidato-nan y otro expertonan e importancia pa vota y kico politica ta nifica y ta haci pa bo gemeente. E programma ta conta cu dos politico Arubiano – Zane de Ponte (D66) y Vanessa Bruin (Leefbaar Rotterdam), mientras e anochi aki tambe lo

tin participacion di "onderwijskundige" James van der Linde y presidente di OCAN Lionel Martijn.

E evento aki lo ta diahuebs 5 di Maart di 5or y mei te cu 7or y mei di anochi na De Haagsche Bier Kluis. Entrada ta gratis y esnan interesa por inscribi via e website:

www.bit.ly/auacafe

Chens unico pa bo bay hunto pa scucha y orienta bo mes riba politica municipal na Hulanda.

Reaccion

Ortografia di Papiamento di Aruba

Skirbi pa: José Miguel S. Donata

Diabierna ultimo, 20 di februari, mi a asisti na un charla di Sr. Ramon Todd Dandaré titula "Ortografia di Papiamento: causa y consecuencia" na Biblioteca Nacional, caminda na final a bin un ponencia padilanti tocante un ortografia unifica pa Papiamento pa e islanan ABC.

Como docente di Spaño cu conocimiento amplio y dominio di Portugues y como investigado independiente, mi tin cu admiti cu ta logico, practico y beneficioso pa un idioma tin un ortografia. Pero den nos caso particular di e islanan ABC, Aruba tin su propio ortografia desde 1976 y e islanan Boneiro y Corsou tambe tin di nan. E ta un caso poco comun pa un idioma tin dos ortografia, y mas ainda un idioma asina chikito manera Papiamento.

Con cu nos bir'e, na fabor of contra, e escenario di dos ortografia pa e islanan ABC ta e resultado di decisionnan tuma den pasado. Cada un tin su proceso historico cu a yega na loke nos tin actualmente. E mesun legitimidad linguistico cu e ortografia etimologico di Aruba tin, e mesun legitimidad linguistico e ortografia fonologico di Boneiro y Corsou tambe tin.

Como yiu di e isla aki y papiado nativo di Papiamento (herencia di mi grandinan), mi tin cu señala cu ta danki na Sr. Josy Mansur d.f.m. y e prome corant netamente Arubiano cu ta Diario, pa decadanan, generacionnan di Arubiano a siña bira mas consciente y orguyoso di e idioma Papiamento y di e ortografia uza na Aruba.

Pa yega na e unificacion di un ortografia pa tur tres isla, lo dura decadanan y talbes cu resultadonan minimo si mi tuma e caso di e ortografia di Portugues pa Brasil y Portugal. E proceso lo exige hopi energia (hende pa hacie), tempo y placa, paso no ta algo cu lo bay un dos tres.

Mirando nos limitacionnan como isla encunto e tres rekisitonan menciona, mi ta puntra mi mes si no ta miho pa dedica e poco recursonan cu nos tin di energia, tempo y placa pa focus mas riba drechamento di e status di Papiamento den enseñansa. Ademas di esaki, nos por canalisa, stimula y consolida e (bon) uzo di Papiamento den nos comunidad di un forma masivo y consistente. Nos por cuminsa cu tur e actornan den enseñansa na tur nivel, sigui pa tur e profesionalnan cu ta haci uzo di e idioma diariamente. Asina nos por brinda e oportunidad na esnan interesa pa haya acceso mas facil y practico pa logra esaki.

Di e forma aki lo por crea tambe un conscientisacion mas grandi y logra un aprecio y baloracion solido pa nos idioma Papiamento, cu ta e patrimonio cultural inmaterial mas grandi di Aruba y cu nos ta comparti cada dia como habitantenan di e isla aki. Esaki ta mas relevante ainda si nos mira e mundo globalisa y digitalisa cu nos ta bibando aden awendia cu ta trece su retonan pa idiomanan chikito manera Papiamento.

Nos no mester perde for di bista cu Papiamento ta e idioma cu ta carga e cultura y e folklore di Aruba. E ta e idioma cu nos por identifica nos mes cu Aruba, sin importa di unda nos a bin.

Pa finalisa, mi ta tribi di bisa cu e ortografia di Papiamento di Aruba nos no por consider'e un simpel elemento tecnico cu lo por cambia of reemplaza sin mas, paso el a yega na e nivel di realizacion simbolico di identidad cu tin un tradicion pa cua ya tin un afecto y sentimiento di pertenencia. E ta e representacion grafico (visual) di e manera con nos ta skirbi na Papiamento na Aruba.

biografia	blad
biografico	blade/blet
biokimica	blader
biokimico	blaf
biologia	blafmento
biologicamente	blafon
biologico	blafona
biologo	blafonamento
biopsia	blafonando
bira	blameer
birada	blancha
birambi	blanchado
biramento	blanchamento
birando	blanchando
Birgen (rel.)	blanco
biroschi	blancura
bis (mus.)	blankia
bisa	blankiando
bisando	blasfemia
bisanieta	blauw
bisanieto	bledi (bala di -)

ESTILO *Salud ★ Moda ★ Beyesa*

Atake di curason den hende muhe **Estudio a revela factornan di riesgo poco reconoci**



Malesa di curason iskemico ta un di e causa principal di morto rond mundo y ta manifesta agudamente como sindrome coronario agudo (ACS), cu ta inclui tanto angina como infarto di miocardio.

Aunke ta conoci cu sintomanan y factornan di riesgo por varia segun sexo, mayoria di e evidencia y protocolnan medico historicamente tabata basa riba estudionan conduci riba hende homber, lagando e caracteristicanan di hende muhe mes na di dos lugar.

E prome registro multicentrico prospectivo dedica exclusivamente na hende muhe cu ACS na Italia, presenta na e Cumbre di EAPCI 2026, ta provee datonan sin precedente riba con atakenan di curason ta presenta den pashentnan femenino y ki riesgonan hopi biaha ta pasa inadvertido den consulta.

Segun e resultadonan inicial di e estudio GEDI-ACS, ademas di factornan cardiovascular clasico manera hipertension, dislipidemia y humamento, e pashentnan aki ta presenta

frecuentemente cu un historia di aborto espontaneo, menopausa trempa, malesanan autoimune y trastornonan di ansiedad of depresion.

Analisis di e prome 68 casonan a muestra cu 86% di e hende muhe tabata experiencia nan prome evento cardiovascular, na un promedio di edad di 68 aña y un perfil di salud cu ta predomina nivelnan abao

di falta di conocimiento di salud.

Ademas, mas cu un tercera parti di e participantenan a presenta cu infarto di miocardio cu adernan coronario no-obstructivo (MINOCA), un subtipo cu no ta existi guianan terapeutico specifico y cu ta afecta principalmente hende muhe.

E resultadonan aki, presenta pa ekiponan di Instituto Cientifico di IRCCS San Raffaele na e Cumbre organisa pa e Asociacion Europeo pa Intervencionnan Cardiovascular Percutaneo (EAPCI), cu ta forma parti di e Sociedad Europeo di Cardiologia, ta habri e discusion riba e necesidad pa revisa estrategianan di prevencion y diagnostico den cardiologia, incorporando variabelnan cu casi nunca no ta wordo puntra of analisa te awor profundidad durante cuidu medico di rutina.

Cinco motibo pa hende muher train cu peso



***Kima mas vet** - Hopi hende muhe ta kere cu haciendo mas cardio ta e solucion pa kima vet of baha peso. Bo ta kima vet solamente ora bo ta haciendo e actividad aerobico/cardio. Na e momento cu bo stop, e proceso ey tambe ta stop. Hisando peso y creando musculo, bo curpa ta keda kima vet henter dia.

***Haya un look defini** - No ta berdad cu hisando peso bo lo haya curpa di homber of bo lo hancha. E hende muher tin poco TESTOSTERONA...e hormona masculino cu ta necesario pa crea musculo. Pues esey ta un MITO!!!

***Bringa osteoporosis** - Hopi studio a muestra esey. Hisando peso bo ta fortalece y mantene bo wesonan saludable.

***Mas forza** - Hisando peso, bo lo haya mas forza cu lo yuda bo den bo bida diario.

***Preveni lesion** - Train cu peso bo ta reforsa e musculonan cu ta rond di bo joints cu ta haci nan mas stabil y fuerte.

***Cera curpa** - E unico manera pa sera bo curpa (bil, diñan, pia, brasa..etc) ta hisando peso progresivamente. NO tin otro manera.

Galiña y spinashi cu saús alfredo

Ingrediente

1 liber di jumbo pasta shells
2 cuchara salo kosher, dividi
2 copi di rotisserie chicken corta fini
1 ¼ copi di ricotta cheese
1/4 copi di hierba di hole fresco corta chikito
10 ons di spinashi congela corta chikito
1 copi di Parmesan cheese, dividi
3/4 telep di black pepper, dividi
1/2 telep di garlic powder
1 webo
1 cuchara di olive oil
1 boter di Alfredo sauce
2 copi di keshi mozzarella raspa

Preparacion

Herbe awa den un wea grandi. Agrega 4 ½ telep di salo y e pasta shells, cushina esaki pa 9 minut. Basha e awa afo y laga e pasta den e wea.

Keinta e fornu na 375°F (190°C). Combina e galiña, ricotta, hierba di hole, spinashi, 3/4 copi di keshi Parmesan raspa, 1/2 cuchara di peper, garlic powder, y e resto di 1 1/2 cuchara di salud den un comchi grandi y mescla bon. Agrega e webo. Yena e pasta shells cu e mescla aki. Basha e zeta di oleifi den un baki di 9x13-inch. Plama 1/2 copi di e saús di alfredo y pone e shells yena riba e saús y basha e resto di e saús, keshi mozzarella y Parmesan. Cubri cu foil.

Horna pa 25 minut. Kita e foil y sigui horna pa 10-15 minut mas. Cambia e fornu na 'broil' y laga e keshi bira bruin, pa 3-4 minut. Warda 5 pa 10 minut prome cu sirbi e pasta.





TEC INC

The Eighth Continent, INC.
Import & Export



SEA BEST
RESTAURANT QUALITY

Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com

Jennifer Arends-Reyes di AVP:

IPKO mester sirbi pa comprende otro miho, coopera y avanza den Reino Hulandes

ORANJESTAD (AAN): Aruba a sali for di e Interparlamentair Koninkrijksverleg (IPKO) 2026 cu un mensahe cla: cooperacion sincero y desaroyo sostenibel mester keda central den Reino Hulandes. Durante e ultimo siman, delegacionnan di parlamentonan di Hulanda, Curaçao, Sint Maarten y Aruba a reuni na nos isla pa intercambia vision y busca solucionnan pa desafio socio-economico comun.

Parlamentario Jennifer Arends-Reyes, lider di fraccion di AVP y presidente di e Comision pa Asuntonan di Reino y Relacionan Exterior di Parlamento di Aruba, a hunga un papel prominente durante e reunionnan. Den su discurso di apertura, el a enfatisa cu confianza y respet mutuo ta e base pa cooperacion efectivo entre e paisnan den Reino, particular den un contexto global di incertidumbre y presion socio-economico.

“IPKO ta tambe pa Reino Hulandes por siña comprende otro mas miho,” Arends-Reyes a declara. “Si nos kier un Reino fuerte y resiliente, cooperacion y desaroyo mester keda central.”

Durante e deliberacionnan, Arends-Reyes a pone enfoca riba inversion den educacion



y riba un miho conexion entre educacion y mercado laboral. El a subraya e importancia di crea oportunidad igual pa hoben Caribense den tur parti di Reino, incluyendo esunnan cu ta biba na Hulanda. Segun Sra Arends-Reyes, fortalecimiento di capital humano ta esencial pa garantisa progreso sostenibel.

Tambe a destaca cu Aruba ta compromete cu diversificacion economico, manteniendo turismo como pilar impor-

tante, pero cu atencion special pa sostenibilidad ambiental, innovacion y bon gobernacion. Segun Arends-Reyes, un economia diversifica y un gobernacion solido ta fundamental pa fortalece posicion di Aruba dentro di Reino.

IPKO 2026 a sirbi no solamente como un reunion formal, sino como un plataforma pa fortifica cooperacion parlamentario entre e cuatro paisnan. Representantenan di e presidencianan di Eerste y



Tweede Kamer di Hulanda, hunto cu delegacionnan di Aruba, Curaçao y Sint Maarten, a participa activamente den dialogo constructivo cu meta di mantene un Reino fuerte y prepara pa futuro. E informacion y experiencia adkiri durante IPKO lo wordo comparti y trata mas profun-

damente den Parlamento di Aruba, cu meta di traduci dialogo na accion concreto.

Fraccion AVP ta reafirma su compromiso pa sigui traha den un spirito di respet, unidad y responsabilidad comparti pa beneficio di tur ciudadano den Reino Hulandes.

Tienda di Educacion contento cu mamanan hoben di ADRA a gradua

ORANJESTAD (AAN): Tienda di Educacion na Aruba, a expresa cu nan ta inmensamente contento di por a aporta positivamente na nos mamanan hoben di ADRA.

Adventist Development and Relief Agency (ADRA) ta suministra yu-

dansa y asistencia di desaroyo na hobennan. Nan ta trahando pa hopi aña caba cu mamanan hoben, via un programa di life coaching, yama ‘From Teenage Parent to Life Coach’.

Tienda di Educacion a splica cu pa nan, tabata un honor cu nan por a forma



parti di e celebracion y ta testigo durante e graduacion di e mamanan hoben. Hopi agradecido cu nan por a aporta na e proceso di nan crecimiento durante e programa di ADRA door di brinda e mamanan tayernan pa empodera nan y engrandece nan conocimiento y habilidadnan como mayor.

Sigur Tienda di Educacion ta spera cu nan keda crece y practica cu tur localnan a siña durante e tayernan. Finalmente lo kier recorda nan, cu semper nan lo por conta riba nos di Tienda di Educacion pa sosten den lantamento y criansa di nan yiu.



Kiwanis Club of Palm Beach contento cu reaccion di pueblo

ORANJESTAD (AAN): Awor cu Carnaval a yega su final, e organizacion di Kiwanis Club of Palm Beach ta sinti cu nan tin di gradici tur turista y hendenan local den comunidad fenomenal aki, pa e sosten increibel durante nan actividad di bende cuminda y cos di bebe na e Carnaval di Tent di nan, cu e proyecto di F&B FUND-raiser durante Carnaval 72.

E tent aki tabata hopi druk mes durante Paradan-an di Carnaval, pero tambe Diabierna anochi durante un evento di Amstel Bright cu Jeon dunando presentacion, hunto cu Soca King, Lord Lally. Rij largo di



hende para na e tent.

Pa Kiwanis Club of Palm Beach, e tabata un trabao duro pero nan tur tabatin animo como cu nan tabata haci tur esaki pa e muchanan di Aruba, nan lo beneficia di tur fondo cu a wordo genera.

Keda pendiente pa momento cu via di DIARIO, nan lo anuncia tur nan proyecto, donacion, y mas evento di FUNDraiser pa 2026. Riba e potret aki por mira nan cu e.o. Lord Lally.



Plataforma PEL cu reunion productivo cu Aruba Wine and Dine



ORANJESTAD (AAN) Recientemente Plataforma Educacion y Labor (PEL) tabatin un reunion hopi inspirado cu Aruba Wine and Dine Hospitality Group. Den esaki nan a discuti e ultimo desaroyonan, e.o. e consecuen-
cianan pa educacion y e mercado laboral, y a explora for-
manan significante di colabora pa logra un impacto.

Hunto nan a comparti ideanan riba con por conecta miho cu e studiantenan pa nan haya berdadero experien-
cia laboral, fortalece e sistema di mentor den sector ho-
telero, y crea asociacionnan sostenibel cu ta apoya tanto
e empleadonan y e futuro profesionalnan.

Door di traha man den man cu negoshinan cu vision pa futuro manera Aruba Wine and Dine, nan ta dal pasonan importante dilanti pa fortalece e sistema di enseñanza na Aruba, y prepara un forza laboral futuro cu ta bon cualifica y motiva pa Aruba.

Nan ta spera di por comberti e combersacionnan den accionnan, pa e bon di studiantenan, e companianan, y pa henter e isla.

Funcionario di FIFA a reuni cu Ministro Gerlien Croes

ORANJESTAD (AAN): Recientemente na oficina di Ministro di Deporte, Gerlien Croes, a tuma lugar reunion cu un funcionario di FIFA kende tabata di bishita na Aruba.

Ta trata aki di Amiel Mohammed, kende a presenta hunto cu Randolph Lacle y demas representantenan di Arubaanse Voetbal Bond (AVB) tambe na e reunion.

Manera DIARIO a

trece dilanti caba recien, Aruba ta den proceso di cuminsa cu construc-
cion di 7 veld di turf, y alavez ya ta ehecutando e proyecto di Mini FIFA Turf Arena.

E funciona-
rio di FIFA a yega Aruba pa bishita y mira e desaroyonan, y e ta bishitando e veldnan tambe, y ta combersa cu e dirigente

di e clubnan di futbol. Sigur futbol di Aruba ta hayando su empuhe nec-
esario den 2026.



Studiantenan di International School haciendo diseño cu tecnologia


ORANJESTAD (AAN): Recientemente e lesnan di ‘Design & Technology’ na International School of Aruba, a uni pa explora e creatividad cu un meta. Mientras cu nan na e scol ta preparando pa upgrade tur nan 3D Printers, e studiantenan a wordo reta cu un pregunta importante.

A puntra nan, kico ta e cos mas impactante cu nan por uza di berdad, si acaso e wordo traha di plastic?

E alumnonan asina a bay profundiza nan mes den e proceso di diseño, creando modelonan prepara pa futuro den Tinkercad, y tambe traha cu man mes cu e pennan special yama 3D Doodler Pens.

For di yaberonan personaliza, y diseñonan di nomber, y hasta regalonan detaya hopi chikito, tur proyecto a centraliza riba creacion intencional y e uzo conciente di materialnan.

Docentenan a splica cu tabata increibel pa mira con e studiantenan a combina e solucion di problema, creatividad, y responsabilidad hunto. Esaki ta prueba suficiente cu e mihor educacion ta socede ora cu disciplinanan ta traha hunto.



President Parlamento di St. Maarten, Sarah Wescot-Williams:

St. Maarten ta satisfecho cu resultado di IPKO na Aruba

ORANJESTAD (AAN): Presidente di Parlamento di St. Maarten, Sarah Wescot-Williams, a expresa satisfaccion cu resultado di e reunionnan reciente di Ipko, unda Aruba a fungi como anfitrión. Segun e presidente, apart di e discusionnan intenso, e conclusionnan alcanza ta di gran importancia, particularmente tocante continuidad di varios punto riba e agenda pa e proximo Ipko.

“St. Maarten ta hopi contento cu e conclusionnan di Ipko. E discusionnan tabata importante, pero e hecho cu nos a logra acuerdonan pa sigui cu cierto punto den e proximo Ipko ta hopi satisfactorio pa nos,” Wescot-Williams a declara.

Segun el a expresa, un di e temanan principal cu St. Maarten lo sigui impulsa ta e relacionnan financiero den Reino Hulandes. Segun e Presidente, e cuestion aki mester keda un punto permanente di discusion entre



e paisnan y a enfatisa cu di banda di St. Maarten, lo sigui mantene e tema di relacionnan financiero den Reino como un punto di prioridad.

Ademas, e seguridad di e paisnan den region ta importante pa St. Maarten. “Aunke nos no ta directamente involvi den accionnan geopolitico actual, cualkier decision tuma door di stakeholders grandi por tin impacto riba tur nos, incluyendo St. Maarten,” el a remarca.

St. Maarten ta alinia cu Aruba, Curaçao y Bonaire pa

mantene e asunto di finansa y seguridad riba e agenda di Ipko. Tambe ta sostene temanan manera envehecimento di poblacion, educacion, cambio climatico y e deficit democratico y e rapportnan cu mester sigui.

Tocante e debe relaciona cu Covid-19, e Presidente a indica cu no tawatin un discusion specifico riba esaki durante e reunionnan formal. E tema ta cay bou di e marco general di relacionnan financiero y situacion di debe di e paisnan. Pero si, el a expresa cu e ta spera cu esaki lo bira un punto di agenda den e siguiente Ipko.

Segun Wescot-Williams, cu e resultado aki, St. Maarten ta confirma su compromiso pa un dialogo structural, continuo y enfoca riba sostenibilidad financiero, estabilidad institucional y seguridad regional, den cooperacion cu demas pais den Reino Hulandes.

Miembronan di e departamento tecnico di COA ta sigui curso pa eleva nivel tecnico-deportivo

Direccion di Deporte ta haci capacitacion pa cu control y monitoreo di carga di entrenamiento

COMITÉ OLÍMPICO ARUBA

CONTROL Y MONITOREO DE CARGA EN DEPORTE PROFESIONAL

APLICACIÓN DE TECNOLOGÍA PARA EL CONTROL DEL RENDIMIENTO Y FATIGA

MSc. Mauricio Moyano
Docente Universidad Provincial de Córdoba
Director de Rendimiento Deportivo Club Barrio Parque
Miembro de Grupo Sobrentrenamiento (G-SE)
Miembro de Capacitaciones Urban (Argentina)
Colaborador de IVOLUTION (Argentina)

ORANJESTAD (AAN): Como e departamento tecnico-deportivo cu ta en-carga cu tur aspecto cu tin di haber cu e diferente deporte cu ta forma parti di e famia di Comité Olímpico Arubano (COA), a sigui un capacitacion pa asina por mehora e proceso di control y monitoreo di carga di entrenamiento.

Miembronan di e deporte tecnico Direccion di Deporte (DdD) a reuni virtualmente cu Sr. Mauricio Moyano di Argentina, cu ta un profesional cu ta profe-

sor na universidad ademas di forma parti di diferente grupo di profesionalnan cu ta mancha entrenamiento na nivel di alto rendimiento. Den e caso aki, el a conta di aplicacion di tecnologia pa controla rendimiento y fatiga di atletanan.

Direccion di Deporte ta gradici Sr. Mauricio Moyano pa tur informacion cu a ser comparti, cu sigur lo haya bon uso pa asina por eleva e nivel di e trabao cu e departamento tecnico di COA ta haci.



Micheline Mathurin di Fundacion Respeta Mi:

Colaboracion entre tur instancia ta necesario pa combati abuso di mucha

ORANJESTAD (AAN): Fundacion Respeta Mi december e aña aki ta celebra nan di 35 aniversario promoviendo conscienciacin, prevencion y educacion contra abuso di mucha.

Pa mas di tres decada e fundacion ta traha hunto cu scol, famia y comunidad pa proteha y defende bienestar di nos muchanan. Señora Micheline Mathurin di e fundacion, den un entrevista cu DIARIO a enfatisa cu colaboracion entre tur instancia ta necesario pa combati abuso di mucha.

El a indica cu pronto e fundacion lo informa comunidad tocante nan actividadnan pa april, cu ta Luna Internacional di Prevencion di Abuso di Mucha y pa December cu ta luna di celebracion di nan 35 aña di existencia.

Fundacion Respeta Mi actualmente ta trahando pa fortalece colaboracion cu Corsou y Bonaire y riba e trabaoan di prevencion riba e islanan. Pronto nan lo ta na Corsou pa un session pa profesionalnan riba e tema di abuso di mucha.



Señora Mathurin a duna di conoce cu cifranan di abuso na Aruba no ta bahando. Y nan funcion como fundacion ta pa trece mas consciensiacin den pueblo. Segun e, mas prevencion wordo haci, mas consciente nos pueblo ta bira, y mas caso di abuso di mucha ta keda exponi.

Esaki ta un indicacion cu e casonan ta wordo ‘getackled’ door di e consciensiacin di prevencion cu ta yegando hogarnan na Aruba.

Esaki, segun e, ta bon cu casonan ta sali enbes di baha pasobra di e manera aki tambe por tackle e problema for di su raiz.

Tambe, el a menciona cu hopi caso di abuso di mucha no ta wordo raporta door cu ciudadanonan ta prefera di sconde pasobra nos ta biba riba un isla chikito caminda tur hende conoce otro.

Señora Mathurin a splica cu pa miho resultado pa preveni, conscientisa y combati abuso di mucha, mester tambe tin miho colaboracion entre fundacionnan, polis, scolnan, instancianan local y internacional, sector di salubridad, entre otro.

Por comunica cu Fundacion Respeta Mi via Whatsapp na 564-0270.



RESULTADO DI SORTEONAN PA CORTESIA DI CADENA ALEXANDER

DIALUNA 23 FEBRUARI 2026

DIARIO	KORSOU	CATOCHI	ZODIAC																						
9418 6673 6815	7005 3826 0766	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td style="text-align: center;">7733</td> <td style="text-align: center;">5355</td> </tr> <tr> <td style="text-align: center;">4934</td> <td style="text-align: center;">1119</td> </tr> <tr> <td style="text-align: center;">0134</td> <td style="text-align: center;">7873</td> </tr> <tr> <th colspan="2">MULTI- X</th> </tr> <tr> <td style="text-align: center;">FP</td> <td style="text-align: center;">X2</td> </tr> </table>	MERDIA	ANOCHI	7733	5355	4934	1119	0134	7873	MULTI- X		FP	X2	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td style="text-align: center;">5042</td> <td style="text-align: center;">5042</td> </tr> <tr> <td style="text-align: center;">SCORPIO</td> <td style="text-align: center;">SCORPIO</td> </tr> <tr> <td style="text-align: center;">7044</td> <td style="text-align: center;">7044</td> </tr> <tr> <td style="text-align: center;">SAGITARIO</td> <td style="text-align: center;">SAGITARIO</td> </tr> </table>	MERDIA	ANOCHI	5042	5042	SCORPIO	SCORPIO	7044	7044	SAGITARIO	SAGITARIO
MERDIA	ANOCHI																								
7733	5355																								
4934	1119																								
0134	7873																								
MULTI- X																									
FP	X2																								
MERDIA	ANOCHI																								
5042	5042																								
SCORPIO	SCORPIO																								
7044	7044																								
SAGITARIO	SAGITARIO																								
																									
<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td style="text-align: center;">8955</td> <td style="text-align: center;">2921</td> </tr> </table>	MERDIA	ANOCHI	8955	2921	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td style="text-align: center;">066</td> <td style="text-align: center;">035</td> </tr> <tr> <td style="text-align: center;">X2</td> <td style="text-align: center;">X2</td> </tr> </table>	MERDIA	ANOCHI	066	035	X2	X2	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td style="text-align: center;">1419</td> <td style="text-align: center;">9044</td> </tr> <tr> <td style="text-align: center;">X2</td> <td style="text-align: center;">X2</td> </tr> </table>	MERDIA	ANOCHI	1419	9044	X2	X2	5367						
MERDIA	ANOCHI																								
8955	2921																								
MERDIA	ANOCHI																								
066	035																								
X2	X2																								
MERDIA	ANOCHI																								
1419	9044																								
X2	X2																								
	17-19-26-29-30																								

BUSCA PALABRA

E M V B R A S I D S S O
 O G C P R E P R M I M K
 N N O V I S M I A H L K
 N U N R P Y E B S J S U
 A B G F U G R O B A I R
 O P L R R C O R A M V E
 I R A E U G R P N P O M
 B S B C N T A M G O N O
 R O E R C G B A O U O T
 O G R B H B I P A O C O
 B U D I I L G Y P R K T
 E T E I T S A G C U C O
 K O B P I C Y T E B B F
 I T P B G N C H U C H O

Congla Berde	Jampou	Masbango	Brasi
Mero Rabi Gay	Purunchi	Robeki	Pampro
Conovis	Fototo	Chucho	Guto

> SUDOKU <

King Classic Sudoku

3		8				7		4
	4		7	5	8		2	3
5			1	4				9
						3	4	
9		4						
		3		2		9	7	
	9	6	3	7		4	1	2
	5			8	2		3	7
7					1		9	

Difficulty: ★ 7/24

Bisti bo Seatbelt

Ya ta sperando hopi sargassum spula e proximo dlanan riba beachnan St. Maarten

PHILIPSBURG: Autoridadnan na isla di St. Maarten a confirma cu nan ta apunto di bay ricibi e temporada di mas severo di yerba di lama tipo Sargassum cu lo kibra un record. A nota cu tin volumen masivo di e yerba aki ta plamando riba Oceano Atlantico, aumentando preocupacion encuan to postencial impacto riba salubridad publico, turismo, y sistema di bida marino.

Leslie Hickerson kende ta director di Nature Foundation



Hari Un Tiki

Diadomingo mainta tabatin dos loco combersando y esun ta bisa e otro:
 —“Buchi, e bon di ta soltero ta cu bo por drumi cu ken cu bo kier.”
 Buchi a contesta:
 —“Asina? Di berdad?”
 E loco a bisa mesora:
 —“Ayeranochi mi a drumi cu friu, y awenochi mi ta drumi cu hamber”.

Solucion Anterior

9	4	5	3	1	8	2	6	7
3	6	8	7	2	4	5	1	9
7	1	2	6	5	9	8	4	3
4	7	9	8	6	5	3	2	1
2	5	1	4	9	3	7	8	6
6	8	3	2	7	1	4	9	5
8	9	6	5	4	7	1	3	2
5	2	4	1	3	6	9	7	8
1	3	7	9	8	2	6	5	4

Difficulty: ★★★★★ 7/23

EMERGENCIA NA ARUBA

Diamars 24 Februari 2026

DOCTER NA WARD

SAN NICOLAS:
 Pa San Nicolas, Docter lo ta na H.A.P. ImSan.
 Docter tey for di 6'or di anochi te 10'or di anochi.

ORANJESTAD:
 Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:
 Botica 4 Centro Medico
 Bernhardstraat 55
 Telefon 584-5794
 Telefon: 584-5798

PABAO DI BRUG:
 Botica Eagle
 Caya Punta Brabo 17
 Telefon 587-9011

Loke Tempo ta Mostra....



- No ta spera cambianan grandi den e tipo di tempo riba Aruba. Nivelnan di humedat den atmosfera ta limita, y lo bay stroba nubia di awacero forma, pero lo bay tin stof di Sahara si.
- Biento di Pariba basta fuerte entre 20 y 39 km/h, cu rafaga te 61 km/h. Lama modera cu ola entre 4 pa 6 pia.



St. Maarten a indica cu esfuersonan di vigilancia ta andando caba como cu data regional ta indica cu hopi Sargassum lo cuminsa afecta e isla entrante comienso di luna di Maart caba. E fundacion ta den comunicacion cu Gobierno pa analisa e impacto di Sargassum cu lo spula na St. Maarten.

Nan trabao ta pa yuda Departamentonan maneha miho e spulamento y nan impacto den comunidad y riba turismo, ya cu esey ta algo cu hopi pais semper tin dificultad pa haci na forma ordena.

ALMANAC



Bahada y salida di solo na Aruba

—24 Februari 2026
 Solo ta baha: 6:48 p.m.
 —25 Februari 2026
 Solo ta sali: 6:58 a.m.
 Solo ta baha: 6:48 p.m.
 —26 Februari 2026
 Solo ta sali: 6:57 a.m.
 Solo ta baha: 6:49 p.m.



Lista di Crusero di bishita na Aruba

—Diamars 24 Feb. 2026:
 Oasis of the Seas:
 (08:00 - 23:00)
 Oceania Inspiration:
 (08:00 - 17:00)
 Norwegian Sky:
 (13:30 - 22:30)
 —Diaranson 25 Feb. 2026:
 Rotterdam:
 (08:00 - 17:00)
 Celebrity Silhouette:
 (11:30 - 23:00)
 Carnival Vista:
 (13:00 - 23:00)
 —Diahuebs 26 Feb. 2026:
 Costa Pacifica:
 (07:00 - 22:00)



Tel: 583-1190
 Anonimo y Confidencial

Ceremonia solemne na Plaza 18 di Maart

ORANJESTAD (AAN): Gobierno di Aruba, Ministerio di Cultura y e Comision Celebracion Dianan Nacional (CCDN) ta invita henter pueblo di Aruba pa un ceremonia solemne na Monumento 18 di Maart, unda lo brinda honor na e 2147 firmantenan cu a sostene e lucha pa nos Status Aparte.

Fundacion 18 di maart di su banda tambe ta recorda, cu e fecha 18 di Maart como nos Dia Nacional no a wordo escogi sin mas. E tin un historia profundo su tras, un historia di deseo sincero di un pueblo humilde pero determina, combina cu un lucha ferviente cu a dura decadanan largo y cu finalmente a culmina dia 1 di Januari 1986 cu realisacion di nos Status Aparte.

Den palabranan historico di Betico Croes den eilandsraad: “18 di Maart a wordo escogi pa motibo di e fecha 18 di maart 1948, un dia riba Aruba unda tur conciudadano por

uni cu un sentimiento comun, caminda a expresa cu porfin nos por canta nos Himno Nacional oficial y porfin hisa nos bandera oficial di Aruba.”

A toca honor na e nieto di nos prome luchador pa separacion, e pionero den politica Arubiano, difunto Henny Eman sr., esta Henny Eman jr. pa habri aña nobo como e prome Minister Presidente di pais Aruba. Un deseo a wordo cumpli.

Exactamente dies aña despues, riba 18 di Maart 1986, Aruba a celebra e realisacion di e soño di tres generacion di Arubiano, cu Henny Eman como e prome Minister Presidente di pais Aruba.

Riba e fecha historico aki nos ta honra:

E politiconan cu a hiba e lucha pa Status Aparte

E 2147 firmantenan cu a sostene e mocion presenta na Conferencia di Mesa Rondo riba 18 di Maart 1948 door di



Shon A. Eman

Y e 95 firmantenan di e peticion di 30 di Juli 1947

Lamentablemente Betico Croes ta fayece dia 26 di november 1986 sin nunca recobra conocimiento, despues di un accidente grave riba bispo di aña 1985.

Historia no ta algo cu nos por

cambia; e ta un fundeshi esencial di nos identidad como pueblo. E lucha pa Status Aparte a cuminsa ya na inicio di siglo pasa cu Henny Eman sr. na timon, y e firmantenan ta prueba di e compromiso y determinacion di pueblo Arubiano.

Gobierno di Aruba, Minis-

terio di Cultura y CCDN ta invita pueblo di Aruba pa ta presente na e ceremonia solemne aki dia 16 di Maart proximo, for di 5:00 te 7:00 di atardi na Plaza 18 di Maart.

Laga nos reuni, recorda y honra esnan cu a traha pa e libertad y autonomia cu nos disfruta awe.

Parlamentario di AVP, Stephany Sevinger:

Pueblo merece un sistema di husticia cla, consistente y husto

ORANJESTAD (AAN): Un biaha mas Ministerio Publico ta den boca di pueblo. Ayeramainta, den e caso di morto di e hoben Ayden Lanoy cu keto bay ta move hopi emocion den comunidad, fiscal a pidi un castigo di 12 luna di prison condicional y 180 ora di trabou comunitario pa e dos agente policial envolvi.

Aunke awe e no por tabata presente na Corte pa motibo di reunion Tripartiet tumando luga, Parlamentario di AVP, Stephany Sevinger ta sigui tur desaroyo rond di e caso for di e prome dia. E ta indica cu “como representante di pueblo, mi responsabilidad ta pa vigila cu husticia ta maneja cu transparencia y di manera husto.”

Segun Sevinger, e caso di Ayden Lanoy ta uno den cual un famia a sufri e perdida di nan ser keri na un manera asina in husto, cu ta dificil pa papia di



un castigo cu por ta suficiente. “Ningun condena lo por cambia e dolor ni compensa e perdida. Pero loke si pueblo ta spera, ta un proceso y un resultado cu ta refleha gravedad di loke a sosode.”

E parlamentario a muestra preocupacion riba loke e ta yama un discrepancia grandi den e manera cu algun caso ta wordo trata den nos sistema di husticia. “Mi no sa cu ki linial dobla Ministerio Publico ta midi cu ne, pero ta cla cu pueblo ta sinti cu no semper tin consistencia den e decisionnan cu ta wordo tuma.”

Sevinger a agrega cu cada

caso tin su propio circunstancia, pero cu sistema di husticia mester ta percibi como independiente, consistente y husto. “Pueblo ta cansa di mira cu castigonan ta wordo percibi diferente manera dependiendo di ken ta esun cu ta para dilanti di hues. Confianza den nos sistema hudicial ta fundamental.”

E parlamentario a conclui reafirmando cu e lo continua sigui e caso di cerca y otro desaroyonan relaciona cu nos sistema di husticia, cu meta pa garantisar transparencia, responsabilidad y un trato husto pa tur ciudadano.

Columna E Sembrado



Diamars 24 februari.
Di promesman di Cuaresma aña 2026 Cielo A

Calendario Liturgico
Lectura: Isaías 55, 10-11;
Salmo: 34;
Evangelio: Mateo 6,7-15;

Si boso perdona hende nan faltanan, boso Tata cu ta den shelo tambe lo perdona boso! Mateo 6,14

Manera e yobida cu ta cay no ta pornada, e ta pa”empapa e tera”pa duna fruta y pa mata crece, e Palabra di Dios tambe ta actua den nos bida cu pasenshi. (Is. 55,11) P’esey ora bo pone bo confiansa den Señor, bo no mester tin miedo pa ningun situacion negativo, pasobra bo ta bou di amparo, cuido y guia di Dios.

(Salmo 34,22) Como yiunan di Dios, nos mester actua manera nos Tata. Si Tata ta perdona nos faltanan, nos tambe mester perdona falta di otro nan. Cu e pordon sea e yabi cu ta habri porta di bendicion ariba mi cas.

Oracion: Tata Celestial, mi ta acerca Bo awe reconociendo cu bo Palabra ta bida y ta poderoso. Danki Señor, pa e promesa cu B’a pone den mi curason, e no lo bolbe bashi cerca Bo, lo e duna fruta den mi bida y lo e cumpli cu e proposito cu B’a mand’e. Aunke mi no por mir’e ainda mi ta confia den bo plan cu e ta na caminda. Danki Señor bou di bo halanan mi tin mrefugio sigur y mi alma ta salba pasobra Abo ta mi defensor. Tata yudami biba bou di bo gracia y haci mi curason limpi di cualkier rencor, duna mi forza pa perdona esnan cu ofende mi, mescos cu Abo ta perdona mi cada dia. Amen.

Grupo Centro Pastoral Aruba

Minister Dowers

Ta inaceptabel pa ignora e situacion di Parkietenbos

**Trabaonan di saneamento di Dump lo inicia e aña aki*

ORANJESTAD (AAN): Recientemente, Minister di Husticia, Integracion, Transporte Publico y Energia, mr. drs. Arthur Dowers, a ricibi e resultado di estudionan tecnico haci door di Witteveen & Bos riba e situacion di dump di Parkietenbos. E investigacion ta confirma cu tin tres punto di prioridad cu ta rekeri atencion inmediato y structural.

E prome punto di preocupacion ta e inclinacion na parti zuid di dump cu ta pega na lama y cu ta demasiado halto. Como consecuencia di esaki, desperdicio ta bay den lama, creando un riesgo ambiental serio y un situacion cu no por sigui ignora. E situacion aki ta rekeri intervencion tecnico urgente pa preveni mas daño y pa proteha e ecosistema den e area.

E di dos punto ta e fenomeno di asina yama “smouldering waste”, caminda desperdicio, aunke no tin candela visibel, ta kima bao tera durante tempo largo. Actualmente tin 16 area identifica cu e situacion aki y ocasionalmente e sushi riba tera por pega candela, causando molester grandi na e habitantenan di e bario. E problema aki no solamente ta crea molester pa e habitantenan, sino ta representa un riesgo pa salubridad publico y seguridad.

E tercer punto di preocupacion ta e deposito di asbest riba e tereno. E material aki ta rekeri un maneho specialisa y costoso pa garantis cu ta keda seya y controla sin forma riesgo pa medio ambiente ni pa salud publico. Mester di un plan serio y tecnico pa maneha e situacion di manera responsabel.

Pa Minister Dowers, ta inaceptabel pa ignora e situacion di Parkietenbos. Gobierno ta exigi accion structural y responsabel. Gobierno tin un responsabilidad cu nos comunidad y cu futuro generacionnan y lo tuma accion duradero pa e dump.

Den su vision pa e futuro di



e area, Minister Dowers ta contempla un transformacion completo di e dump den un area cu mata nativo. E plan ta enfoca riba saneamento di e tereno, rehabilitacion ambiental y mehora e estetica di e area. Un area natural lo no solamente elimina e molester cu a afecta e bario durante hopi aña, pero tambe lo crea un espacio berde cu por contribui na bienestar general.

Responsabilidad ambiental y sostenibilidad ta central den tur decision di Gabinete AVP-Futuro. Tin situacionnan dificil cu ta rekeri inversion, planificacion y determinacion, pero gobierno ta traha riba solucionnan structural cu ta beneficia nos comunidad y futuro generacionnan. Ta tempo pa trata e problema di Parkietenbos cu seriedad, vision y accion concreto.

Diasabra tabata Internacional di Idioma Materno 2026



ORANJESTAD (AAN): Dia 21 di februari tabata Dia Internacional di Idioma Materno. Esaki ta un fecha proclamada pa UNESCO pa promove diversidad linguistico y multilingualismo. E aña aki UNESCO ta enfoca riba e rol importante cu hende jong ta hunga den esaki. Tur aña tin hopi idioma ta muri.

Expertonan ta calcula cu di e 7 mil idioma na mundo, mas o menos 300 so a haya un luga den enseñansa y menos di 100 ta wordo uza den e mundo digital. Nos hobennan por hunga un rol activo den proteccion di idioma, crea contenido digital y uza tecnologia pa haci diversidad linguistico bira mas visibel y haya su valor.

Multilingualismo Aruba ta un isla multilingual cu ta duna importancia na conocimiento di idioma, specialmente pa loke ta trata e 4 idiomaan Papiamentu, Hulandes, Ingles y Spaño. E cifranan di Censo di 2020 ta mustra tambe cu 1 di cada 3 habitante (35%) ta papia mas cu un idioma na cas. Papiamentu ta esun mas papia, sigui pa Spaño, Ingles y Hulandes.

E 4 idiomaan aki ta hunga un rol importante tambe den nos comunidad en general. Ta importante pa e multilingualismo di Aruba keda refleha tambe den enseñansa. Na 2023 minister a aproba e maneho integral di idioma den enseñansa, caminda tur 4 idioma ta hunga un rol importante.

Fuera di e 4 idiomaan menciona, ta importante pa mucha di otro habla tambe

sinti nan mes acepta y balora na scol pa ken nan ta. Importancia di cuida y preserva idioma Na 2007 Asamblea General di Nacionnan Uni a pidi e paisnan miembro pa cuida y proteha tur idioma uza pa tur pueblo na mundo. Diversidad linguistico por ta un instrumento di paz duradero. Entre otro pa motibo di globalisacion, tin hopi idioma ta bayendo perdi.

Un factor importante pa mantene idioma bibo ta pa traspasa esaki di generacion pa generacion. Si mucha stop di papia un idioma, esaki ta bay perdi. Un otro factor importante ta e presencia den e mundo digital. Papiamento Papiamento ta parti di herencia cultural di Aruba, idioma di cas di mayoria y idioma oficial. E ta un idioma vital den sentido cu e tin suficiente papiado cu ta transmiti e idioma di un generacion pa otro.

Tambe tin desaroyonan positivo ta tumando luga riba tereno di enseñansa, literatura, digitalisacion y documentacion. Algun ehempel ta alfabetisacion na Papiamento, publicacion di buki literario di DEA, charlanan di Fundacion Lanta Papiamento y proyectonan di digitalisacion manera www.coleccion.aw (di BNA y ANA) y Wikipediya riba Aruba. Na mes momento ta hopi importante pa ta consciente di e importancia pa traha riba cuida y desaroyo di nos idioma. E aña aki UNESCO ta enfoca riba e rol di nos hobennan riba e parti aki. Papiamento ta den nos man pa cuid'e y proteh'e.

DEPORTE INTERNACIONAL

Cubs a firma contrato di Liga Menor cu Conforto



CHICAGO: Chicago Cubs a bay di acuerdo pa firma un contrato di Liga Menor cu hungador di outfield Michael Conforto, segun Jesse Rogers di ESPN. Conforto a hunga aña pasa cu Los Angeles Dodgers y no tabata tin bon temporada. E hungador di 32 aña a bati pa un average di apenas .199 y tabata tin un promedio di yega base di .305, cu 12 homerun y 36 careda impul-

sa den 138 wega. Ora cu Dodgers a bay post temporada nan no a inclui Conforto. E mihor temporadanan pa Conforto tabata ora cu e tabata cu New York Mets di 2015 pa 2021 y a bati un total di 132 homerun. Si Conforto drenta e ekipo di Major League di Cubs e lo ta un opcion mas den outfield banda di Ian Happ, Seiya Suzuki y Pete Crow-Armstrong.

UEFA ta suspende hungador di Benfica debi na incidente di racismo cu Vinicius



PORTUGAL: Gianluca Prestianni a ricibi un suspension temporal debi na un incidente di racismo den cual e lo tabata envolvi durante e wega di Champions League entre Benfica y Real Madrid. E Argentino den e wega ey lo a yama atacante di Real Vinicius Junior un macaco, mientras cu e tabata tapa su boca cu su camisa. Mirando e suspension temporal, Prestianni lo no por hunga e di dos

wega Diaranson contra Madrid. UEFA mesora a cuminsa un investigacion, pero te cu Dialuna ainda no tabata tin un resultado. Pesey e fedearion Europeo di futbol a dicidi di suspende e hungador temporalmente, te ora cu tin mas claridad. Si wordo constata definitivamente cu e Argentino a expresa su mes na un manera racista, su castigo lo bira bastante mas severo.

Maxey a anota 39 y 76ers a haci 21 anotacion di 3 punto pa gana T-Wolves



MINNEAPOLIS: Diadomingo Tyrese Maxey a anota 39 punto y tabata tin 8 asistencia y VJ Edgecombe pa prome biaha a haci 6 anotacion di tres punto y Philadelphia 76ers a gana Minnesota Timberwolves 135-108. Edgecombe a caba cu un total di 24 punto, pa yuda Philadelphia kibra nan racha di 4 derota consecutivo. Maxey a haci 16 anotacion den 28 intento, incluyendo 4 anotacion di 3 punto. Quentin Grimes a contribui pa

76ers cu 19 punto incluyendo 5 anotacion di 3 punto y 7 asistencia. Kelly Oubre Jr. tambe a yuda cu 18 punto y 4 steals. Tabata di 3 wega consecutivo cu Philadelphia tabata sin strea Joel Embiid. Maximo anotador pa Minnesota tabata Anthony Edwards cu 28 punto, di cual 19 el a anota caba den prome mitad. Jaden McDaniels a contribui pa Timberwolves cu 19 punto y Julius Randle a caba cu 18.

Fiorentina a gana Pisa 1-0



ITALIA: Dialuna Fiorentina a cuminsa bon y a sigui pone presion, dunando e impresion cu nan lo anota varios gol contra Pisa, pero nan a gana e wega apenas 1-0. Fiorentina a caba cu un posesion di bala di 56%, cu 5 tiro riba gol. Pisa di otro banda tabata tin un

posesion di 44%, cu apenas 1 tiro riba gol. E unico gol di wega a wordo anota pa Moise Kean den di 13 minuut caba. Cu e resultado aki Fiorentina ta keda na di 16 lugar di Serie A di Italia cu 24 punto den 26 wega. Pisa ta na di 19 lugar cu 15 punto.



Noticianan for di Hulanda

Prijs di gasolin ta na e nivel mas halto desde fin di 2023



HULANDA: E prijs di gasolin a aumenta te na e nivel mas halto desde e ultimo lunanan di 2023. Consecuencia ta bay ta cu na pomp di gasolin e consumidor ta bay paga mas, segun UnitedConsumers.

Nan ta bisa cu e aumento di prijs tin di haber cu e prijs mas halto di petroleo y a inkietud geo politico. E prijs pa un liter di gasolin rond Hulanda ta na 2,285 euro.

Esey ta e nivel mas halto di prijs desde September di 2023.

Pa diesel a prijs pa liter actualmente ta 2,080.

Esey ta e nivel mas halto desde luna di October di 2023.

Mirando cu te ainda na Belgica e prijs di gasolin ta bastante mas barata, varios chauffeur Hulandes cu ta biba cerca di e frontera di Belgica ta bay eyan pa yena nan tanki di gasolin.

Hulandes a mata compatriota y a tira e curpa afo na Belgica



BELGICA: Autoridadnan na Belgica a identifica un homber Hulandes di 68 aña, kende a comete un asesinato.

Despues cu e curpa sin bida di un muher a wordo descubri na Belgica den luna di December di aña pasa, un investigacion a muestra riba e hecho cu e homber Hulandes di 68 aña tabata esun cu a comete e crimen.

E homber despues di a mata cu compatriota di 43 aña, a benta e curpa sin bida di e muher den vecindario di Luik na Belgica.

Na Hulanda e homber a pone fin na su propio bida, despues di comete e asesinato.

Segun OM di Belgica, probablemente e homber a comete suicidio riba e mesun dia cu el a mata e muher.

For di Dialuna personal di NS a cuminsa haya training pa uso di klop: test di 1 aña



HULANDA: For di Dialuna De NS a cuminsa cu training pa personal pa uso di un klop.

Ta wordo verwacht cu for di April e empleadonan di seguridad di NS ta bay cuminsa cana cu klop.

E test unda cu e empleadonan durante nan trabao lo cana cu klop, lo dura 1 aña.

Aña pasa NS a haya permiso for di e gabinete pa laga 75 di e asina yama 'ov-boas' cana cu un klop cortico.

E empleadonan cu ta participa na e prueba lo wordo comparti na paranan di trein na Rotterdam, Den Haag, Zwolle y Den Bosch.

Den e simannan cu ta bin nan lo haya instruccionnan riba uso di e klop.

Banda di introduccion di klop, NS ta tuma otro medidanan tambe pa mehora seguridad di coleganan.

Asina por ehempel conductornan mas laat e aña aki lo haya body cam.

Marechaussee Real a topa cu 5 persona di Vietnam den un caravan



HOEK VAN HOLLAND: Durante un control pa salida di un ferry for di Hoek van Holland pa Inglatera, miembronan di Marechaussee Real Diasabra cu a pasa, a haya bista di un auto cu un caravan su tras.

Durante inspeccion di e caravan autoridadnan a descubri 5 persona

ilegal.

Ta trata di stranheronan cu nacionalidad Vietnamese.

E dos hombernan di Inglatera di 38 y 46 aña cu tabata sinta den e auto, a wordo deteni.

Marechaussee ta bao di guia di Ministerio Publico di Rotterdam ta investigando e caso.

Noticia Internacional

Ex-embahador Britanico na Merca, Peter Mandelson, a wordo aresta despues di revelacionnan den e caso Epstein

Polis Metropolitano di London a detene e ex-embahador Britanico na Merca, Peter Mandelson, dialuna riba sospecho di mal conducta den funcion publico, despues di e publicacion di documentonan cu ta revela e extension di su relacion cu Jeffrey Epstein. E declaracion di polis a bisa cu "agentenan a aresta un homber di 72 aña di edad bao sospecho di violacion di deber publico," despues di buskeda di su casnan na Camden y Wiltshire y e lansamento di imagennan cu ta muestra Mandelson saliendo for di su residencia escolta pa agentenan.

E investigacion a wordo lansa despues cu e Departamento di Husticia di Merca a publica casi tres miyon archivo relaciona cu e caso di Epstein na



fin di januari, incluyendo email y transferencia bancario entre e ex-minister y Epstein. E documentacion ta indica cu, entre 2003 y 2004, Mandelson a ricibi por lo menos tres pago di USD 25.000 (mas di 21.000 euro cada un) for di e cuentanan di Epstein na JP Morgan, un periodo den cual e ex funcionario tabata miembro di Parlamento Britanico.

E archivonan ta indica cu Mandelson, kende tabata un minister den e gobierno di Gordon Brown y Comisario Europeo pa Comercio, supuestamente a comparti informacion delicado cu Epstein tocante e rescate di €500 bion cu Eurozona a planea pa aproba na 2010 y tocante proposicionnan di impuesto y privatisacion diseña pa responde na e crisis financiero.

INTERNACIONAL NOTICIA FOR DI COLOMBIA

PETRO LO NO IMPORTA GAS FOR DI VENEZUELA

BOGOTA: Un declaracion cu a sali for di oficina di president Gustavo Petro, a elabora riba e posibilidad cu e compania Ecopetrol di Colombia lo por importa gas for di Venezuela, cual pais ta pasando den un proceso politico despues cu Merca a haci un intervencion militar na Caracas pa captura



Nicolas Maduro. Ministro di Minas y Energia, Edwin Palma a papia palabra direct cu pa awor Ecopetrol lo no importa gas di e pais bisiña, y a adverti cu mester pidi un licencia, y e proceso ta perhudicando e iniciativa ey. Pasobra si acaso Ecopetrol kier pidi pa haya gas, e tin di pidi e licencia ey via di Gobierno Mericano awor, y tramita un licencia nobo a bira mas complica y lo bay dura hopi, y pa Colombia tempo ta hunga un rol importante. El a bisa cu nan kier ta practico, nan kier ta pragmatico, y esey ta e conclusion cu nan a yega na dje despues di papia cu e president interino di Venezuela, y pa awor nan ta kere cu lo ta mas economico pa envez di trece Gas Natural, pa bin cu gas LPG pa por suministra mercado Colombiano.

GOBIERNO BISA CU AROS NO TA SCARS MES

BOGOTA: Ultimo diano consumidornan y productor-



nan a bira hopi intrankil na Colombia, pasobra rumor a core plama cu tin scarcedad di aros rond di e pais, y cu lo tin riesgo cu stock ta cabando. Pero Ministerio di Agricultura y Desarrollo Rural a core aclara den fin di siman cu no ta existi

riesgo cu stock di aros ta cabando na Colombia. "Ta net lo contrario, pasobra durante lunanan di December y Januari, e pais a registra e di dos nivel mas grandi di inventario di aros desde 2015, cu ta garantiza plenamente cu tin stock pa tur cas na Colombia," ta loke e Ministerio a indica den un boletin. Nan a indica cu e stock lo keda asina, hasta si acaso bin un escenario di ahuste productivo den e sector, cual situacion a yega di presenta entre 2024 y 2025 caba. E rumor cu a sali ta mas bien no ta bin di estructura di stock, sino un situacion na departamento di Córdoba. Aki e factornan climatico y transformacion di territorio a impacta cultivonan di aros. Esey a bin di fenomenonan di tempo cu cada biaha ta ripiti mas y ta birando severo.

POSIBEL CASO DI SARAMPI AWOR NA COLOMBIA

BOGOTA: Riba Diasabra, Ministerio di Salud Publico y tambe Instituto Nacional di Salud (INS) a informa cu nan



ta investigando un caso sospechoso di sarampi cu un pashent masculino di 30 aña kende a caba di haci un viahe internacional. Nan ta investigando e caso y ainda no a confirma si e ta

positivo. Pero nan ta siguiendo tur protocol estableci pa haci test y determina e diagnostico. Tambe a suplica tur mayor, voogd, y esnan cu ta viahando pa verifica y completa nan schedule di vacunamento.

Suisa a congela mas cu 880 miyon dollar na activo vincula na Nicolas Maduro y su asociadonan

Gobierno Suizo a congela 687 miyon franc Suizo (alrededor di 880 miyon dollar) den activonan vincula cu e narco-dictador Venezolano Nicolás Maduro y su circulo interno, como medida preventivo pa para e huida di fondonan despues di e captura di e ex lider chavista dia 3 di januari.

Ministerio Suizo di Asuntonan Exterior a informa e agencia di noticia AFP cu e cifra aki ta coresponde na e activo total cu intermediarionan financiero a informa na e Oficina di Informacion di Labamento di Placa, despues di e entrada na vigor di e orden pa congela esaki dia 5 di januari.

Conseho Federal Suizo a adopta e medida despues



di e detencion di Maduro na Caracas y su traspaso pa Merca, unda e ta enfrente acusacionnan di trafica-cion di droga y corrupcion. E decision tin como meta pa proteha e sistema financiero Suizo y evita cu fondonan cu ta origina di actividadnan ilicito ta scapa e pais.

Segun e Ministerio di Asuntonan Exterior, e congelacion ta encera fon-

donan cu ta pertenece na 21 di e 37 personanan identifica den e ordenansa Suizo riba Venezuela, aunke e autoridadnan no a revela e identidad di e titularnan pa motibonan legal.

Si confirma cu nan a wordo obteni iregularmente, gobierno Suizo a sigura cu lo busca nan regreso na bienestar di e pueblo Venezolano.

Noticia Internacional

INTERNACIONAL

NOTICIA FOR DI VENEZUELA

AGRICULTORNAN FADA DI CONTRABANDO Y MAS

MERIDA: Agricultornan di diferente estado, manera di Merida, Tachira, Trujillo, Barinas, y mas a reuni den fin di siman na comunidad di Apartaderos, di municipio Rangel na estado Merida, pa denuncia e situacion critico cu e sector primario ta pasando aden na Venezuela. E manifestacion cu a tuma lugar riba e carretera Trasandina, a reuni trahadornan di agricultura di henter e zona andino grandi aki, y a sirbi di plataforma pa asina hunto manda un reclamo urgente na autoridadnan Venezolano, debi na un serie di iregularidad cu ta menazando di paraliza produccion di cosecha- y demas articulo rond di henter e pais. Durante e protesta, e agricultornan a mostra riba e impacto devastador cu tin cu contrabando di berdura manera bonchi, y tambe demas fruta y berdura di exterior cu ta drenta Venezuela sin control di calidad, y ta wordo bendi mas cu e produccion local, y pesey hopi agricultor ta sufriendo di perdida. Nan ta fada tambe cu criminalnan ta sigui extorsionan nan cu cobranza mensual pa nan keda "safe", y e ta un factor cu ta hisa drasticamente e costo di nan produccion y ta afecta tambe e prijs final cu consumidor ta paga. Tambe nan ta denuncia e burocracia y fayonan den sistema di guia di materia prima y productona cu a bira un dolor di cabes administrativo cu ta crea tardanza pa nan fruta, berdura, lechi, koffie, y carni wordo distribui na tempo. Hopi agricultor a cuminsa fada di tur esaki y tin pensa di stop cu nan negoshi.



TRAFICANTENAN UZANDO ANTENNA STARLINK

MARACAIBO: Forza Armada Nacional Bolivariana (Fanb) a confisca na final di siman pasa, un cantidad di



explosivo, arma, ekipo di comunicacion via satellite, incluyendo antena di sistema di internet Starlink di Elon Musk, ora cu nan a dismantela tres campamento



ilegal den municipio Jesus Maria Semprun na estado Zulia. Comandante Domingo Hernandez, a bisa cu nan a tene accion den zonan cerca di Casigua



El Cubo, Palmeras Diana, El Cruce, y Caño Negro. Ta durante patruyahe, e militarnan a bin topa dos campamento logistico, uno di nan destina pa fabrica explosivo. Aki a haya granat di fragmento, un mortar di fabricacion crioyo, un pistol di 9 mm, municion di diferente caliber, y un rol cu 40 bala di 7,62 mm. Nan a haya 2 kilo di pentolite, polvo preto, detonador, fiberglass, y demas material pa traha explosivo. Tambe a haya un antena di internet Starlink cu su wayanan, un generator, y ekiponan electronico. Na un otro campamento, a haya material pa fabrica explosivo, incluyendo detonador, parti di boter di gas, chargers, y material cu ta di teroristanan di ELN di Colombia. Militarnan a destrui tur campamento y material.

Parlamento Europeo ta para ratificacion di acuerdo comercial cu Merca despues di e ultimo aumento di tarifa di Trump



Parlamento Europeo a dicidi dialuna pa para e ratificacion di e acuerdo comercial cu Union Europeo y Merca a firma zomer ultimo debi na e incertidumbre genera pa e sentencia di Corte Supremo di Merca cu a declara e tarifanan di presidente Donald Trump ilegal.

E Comision di Comercio di Parlamento Europeo tabata programa pa vota riba e acuerdo diamars awor pa avansa e proceso di ratificacion, pero e Partido di Pueblo Europeo (EPP), e Social Democritanan, e Liberalnan y e Berdenan a acorda awe pa para e proceso te ora cu Washington aclarea e implicacionnan pa Union Europeo di e sentencia di diabierna pasa.

"Tin hopi incertidumbre tocante kico ta pasando," e hefe di e Comision di Comercio, e social democrata Bernd Lange a bisa, kende a bisa cu "claridad y seguridad huridico" ta necesario prome cu e acuerdo por wordo ratifica.

Mientrastanto, presidente di Merca Donald Trump a menasa dialuna di aumenta e tarifanan riba e nacionnan cu ta dicidi di "hunga" cu e sentencia di Corte Supremo cu a invalida e tarifanan declara pa e republicano bao di e podernan di emergencia, den un contratempo grandi pa su politica economico. "Cualkier pais cu kier


'hunga wega' cu e decision ridiculo aki di Corte Supremo, specialmente esnan cu a 'estafa' Merca pa añanan, asta decadanan, lo enfrente un tarifa hopi mas halto, y algo pio, cu loke nan a bay di acuerdo cu ne hopi recientemente," Trump a skirbi riba su red Truth Social.

-Europa merece respet

E Vice-Presidente di e Comision Europeo pa un Transicion Husto, Limpi y Competitivo, Teresa Ribera, tambe a papia riba e asunto, declarando cu Europa "merece respet" na luz di e anuncio di presidente di Merca, Donald Trump di tarifanan mundial nobo cu tambe lo afecta Union Europeo.

Ribera a subraya cu UE tambe merece "respet den e aplicacion previsibel di e acuerdonan ey cu ta wordo alcansa y den e boluntad di un trato equitativo, husto, razonabel, transparente na e bienes y servicionan" cu ta wordo exporta pa Merca.

Merca a ataca otro boto di droga den Caribe: tres morto



Un atake nobo di forzanan militar Mericano a laga por lo menos tres morto dialuna den Lama Caribe, segun Comando Sur di Merca (SOUTHCOM). E operacionnan, cu a cuminsa na September bao di e nomber Operacion Lansa Sur, a hisa e cantidad total di mortonan di e bombardeonan aki na por lo menos 150.

Comando Sur a informa cu e boto ataca tabata biha riba rutanen identifica di trafico di droga den e region y tabata "involucra den operacionnan di trafico di droga."

E orden pa e atake a bini di General Francis L. Donovan, comandante di

SOUTHCOM, kende a declara riba medionan social cu e operacion a wordo realisa pa Joint Task Force Southern Spear y cu "ningun miembro di servicio di Merca a wordo herida." E comunicado oficial a inclui un video cu ta muestra un boto cu ta wordo destrui pa un explosion.

Desde inicio di e campaña, forsan Mericano a ataca y destrui por lo menos 44 barco den awanan di Caribe, Centro America y Sur America. E operacionnan a inclui tambe confiscacion di barconan petrolero y captura di figuranan politico manera Nicolás Maduro, e lider di Venezuela.

Pa chica Pos - Habri tuberia y wc.
Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y
hay e atardi! Set di sala, tv
chair, sienta auto.
Tel: 565-5577
Macapruimstraat # 1L

CONSTRUCCION
REMODELACION
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccin di cas
y apto bon prijs. Free quotation.
Tel: 561-2137

NOS TIN SERVICIO
Corta mata y palmanan
grandi y chikito y
peligroso. Hasi tur sorto
forma di mata.
Cel: 592-1277

NOS TA CUMPRO
Oro y plata kibra,
holoshi antiguos y
moderno di bon marca.
SILVER LEAF
Havenstraat 32
Tel: 746-0535 / 592-1776

TA FURA
STOEL

CEL: 561-2941

ASSOCIATED REALTORS
TA BENDE
Un cas di 3 camber cu 13 apts
y 1 oficina na Madiki, construi
679 m², tereno propiedad 897
m² y pa \$1.3 mlj. Yama Mito
na 593-6318 pa mas info.

WASMACHINE
Ta drecha wasmachine,
dryer, stoof, forno.
Ta drecha, service y instala
airco. Tel: 742-2518.
Ta drecha na cas mes.

TA CUMPRO
Holoshi antiguo
y moderno
di bon marca.
Tel: 744-9995

DIRECTV
A miho T.V. na Aruba
Mundial Futbol na caminda,
haya bo DIRECTV awo
prome cu ta caba.
Yama cel: 733-5762

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

President Marlon Sneek di Parlamento:

Ainda a keda algun tema riba agenda cu no a trata durante reunionnan di IPKO

ORANJESTAD (AAN) Manera ta conoci, e prome “Interparlementair Koninkrijsoverleg” (IPKO), pa aña 2026, a tuma lugar siman pasa na Aruba, y awo cu IPKO a finaliza, Presidente di Parlamento, señor Marlon Sneek, den entrevista cu Matutino DIARIO, a splica un tiki tocante e temanan cu a wordo discuti.

Señor Marlon Sneek a declara cu tin temanan cu e parlamentarionan a keda cu nan riba agenda. El a comenta cu e discusion, un par di aña atras tabata riba finanzas y tur tipo di rijkswet cu tabata tin, y den e presentacion, e biaha aki, pa un rato a trece un bista riba e desaroyonan con e



finanzas aki a sigui cana. Presidente di Parlamento a indica cu tabata tin diferente tema di discusion riba envehecemento, cuida di adulto mayor, cu no ta solamente na Aruba, pero ta temanan cu tambe ta tumando lugar na e demas Islanan di Reino y na Hulanda, y Aruba a dirigi e temanan aki.

Tambe tabata tin tem-

anan manera enseñanza y nan a purba keda riba topiconan cu cada bez ta biba den Reino.

Presidente di Parlamento a bisa cu e siguiente reunion di IPKO ta bin na cumintamento di Juni, pa

bin cu temanan nobo tambe y temanan cu tabata suficientemente discuti.

E biaha aki tambe a bin un tema nobo cu tabata “conectividad” den Reino. Segun Sneek, Hulanda a mir’e mas pa e parti di Bonaire, Saba y St. Statius, cu e ta responsabel pa nan, pero Aruba tambe a wak’e den su totalidad. Manera nos tur sa un biaha pa Bonaire of Curacao, tin biaha ta mas caro cu un biaha pa Colombia, of Miami mes. E tipo di temanan aki tambe a forma parti di e discusionnan cu tabata tin.

Persona tira mata na Zwolle



ZWOLLE: Diadomingo anochi e habitantenan di Zwolle a wordo spanta pa un tiramento fatakl den Vondelkade, net dilanti di oliemolen De Passiebloem.

E victima a wordo haya riba caminda gravemente herida y servicionan di emergencia a reanima e persona na e sitio, pero e ayudo duna tabata envano. Na e sitio mes e victima a fayece.

E caso di tiramento a sosode alrededor di 20.00. Habitantenan di e area a scucha diferente tiro y

un rato despues a wak un cantidad di servicio di emergencia presenta den e area.

Na final di Vondelkade brandweer a pone pantayanan blanco grandi pa blokea bista riba e victima.

Personal di ambulance a haci tur esfuerso pa salba bida di e persona, pero esaki no a logra.

E area unda e crimen a tuma lugar a wordo cera pa polis, pa nan haci nan investigacion.

Agentenan policial a cuminsa mesora busca rastro y pista, mientras cu nan a papia cu testigonan cu por duna informacion valioso. Te cu Diadomingo atardi no a duna ningun detaye di identidad di e victima.

SEÑORA TA OFRECE

Pa drecha paña, cortina, traha furu pa stoel, sofa y ba haci tur tipo di trabao di cosemento. Mi mes ta busca y hibe bek pa bo. Tel: 660-7571.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T: (297) 588-6699
E: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forza”.
Salmo: 23

Nos ta anuncia
fayecimento di:

**Luciana
Dossous**

*04-06-1961
†19-02-2026



Acto di entiero lo wordo anuncia despues.

"AGRADICIMIENTO"

Na nomber di su yiunan, rumanan i demas famia nos kier agradici tur esnan cu a duna i manda condolencia i sosten cu fayecimento di nos mama i ruman stima i recorda:

"SRA. VDA. MARIA LOUISA VIEIRA-BRITTEN"

Un danki special na tur esnan cu a duna nan apoyo i sosten den e momentonan dificil aki.
Boso atenshon ta un gran consuelo pa nos.

Famianan: Vieira, Britten, Martins Pereira, Lopez, Ten Hage, Merkelbagh, Alvarez, Rodriguez, Erasmus, Trimon, Kolfin, Hoek, Farayans, Payarez Gonzalez, Laanstra, Lokhorst, Martinez, Everon, Leenheer, Huyskus, De Castro, Phelipa, Gibbs, Yula i Ingrid.

Tur de mas famianan i conocirnan na Aruba, Korsou, Hulanda y Colombia i Merca

Tú eres mi refugio, mi castillo, mi Dios, en quien confío!
Salmo 91:2



SUPER CARD SUPER DEALS



COMFORT CLASS

**Monday
Thursday**

8.00 AWG

**Friday
Sunday**

9.00 AWG

IMAX

10.00 AWG

11.00 AWG

VIP

11.00 AWG

12.00 AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Ministro a keda impresiona cu e Tactical Karate Camp teni na Aruba



ORANJESTAD (AAN): Den fin
di siman, Ministro di Deporte
Gerlien Croes a haci un bishita
na e Tactical Karate Camp
cu a tuma luga na Aruba.
Na esaki, un total di 18
atleta di nivel halto for di
diferente pais a yega e isla
pa entrena hunto.

E camp ta ser lidera pa
Stanislav Horuna, meday-
ista Olimpico y coach di
renombre internacional.
Segun Horuna, nan kier

comberti Aruba den un
centro di karate, pasobra
riba e isla aki tin tur lo nec-
esario pa train y recupera
bon.

Ministro a haya chens
di combersa y mira pa su
mes con e Tactical Karate
Camp aki ta funciona, y
el a splica na final cu e ta
orguyoso di mira Aruba
como centro di deporte di
calibre mundial.



**VALUE
YOU'LL
LOVE!**

ONLY AT AMC UNICON

**GREAT
DEALS**
& HUGE SAVINGS!

SHOP TODAY & GET
**UP TO 2 FREE
INSTALLMENTS!**

PLUS FREE DELIVERY
FOR CREDIT CUSTOMERS!

Promotion Ends February 28th, 2026.

Conditions Apply.



Save AWG501

WHIRLPOOL

21 CU. FT.
FRIDGE

**NOW
AWG2499**

WAS AWG2999.99

WRT541SZDB



Save AWG501

TCL

19 CU. FT.
FRENCH DOOR
FRIDGE

**NOW
AWG1799**

WAS AWG2299.99

C530FDN



Save AWG301

TCL

12 CU. FT.
FRIDGE

**NOW
AWG899**

WAS AWG1199.99

P340TMS



Save AWG651

CARRIER

24000BTU SPLIT
AIR CONDITION UNIT

40MHHAC24XA3

**NOW
AWG1499**

WAS AWG2149.99



Save AWG1001

GREE

18000BTU SPLIT
AIR CONDITION UNIT
WITH WIFI

GWC18AGD-D3DNA1A

**NOW
AWG1299**

WAS AWG2299.99



569-2407
AMC EAGLE
MEGASTORE

568-9070
AMC
SAN NICOLAAS

**HORARIO: 9AM - 6PM
DIALUNA PA DIASABRA**



Dunando charla encuanto derechonan di mucha



ORANJESTAD (AAN): Durante Temporada di Carnaval, Fundacion Pa Nos Muchanan (FPNM) a wordo invita pa duna un charla tocante derechonan di mucha na e muchanan di YMCA Kids Camp.

Durante e charla aki, e Fundacion a enfoca riba nan derechonan como mucha y tambe a clausura cu un actividad unda por a scohe y crea un pintura di nan derecho preferi.

Na final e muchanan a sinta of para hunto, pa asina muestra tur hende nan bunita pintura. Fundacion FPNM ta manda un palabra di danki na YMCA pa e invitacion. Por mira riba cara di e muchanan, cu nan a goza enormemente di tur esaki.

